



"A ko govori ljepše od onoga koji poziva Allahu, koji
dobra djela čini i koji govori: 'Ja sam, doista, musliman!'"
Sura Fussilat, ajet 33



informativni islamski časopis

El - Asr



IZDVAJAMO:

- KADA SUNCE SJAJ IZGUBI
- ŠTA SE DEŠAVA POSLIJE SMRTI
- KRVAVE KANDŽE KOLONIJALISTIČKIH SILA
- SABUR
- SAVJETI ZA USPIJEH U BRAKU
- USPIJET ĆE SAMO ONAJ KO JE OČISTI

Džamija u Faludži / Irak


01.07.2005 / 31.08.2005 1426, H.G. broj 7, godina 2 Cijena € 1,5



DVD/VHS - Organizovan odlazak na Hadždž iz mesdžida IOB Tewhid.
Stručni vodiči su bili hfz. mr. Muhammed Fadil Porča i
prof. Nusret Imamović. Broj hadžija je prešao 50.


Arhiva IOB Tewhid

NOVO



Izišla je iz štampe knjiga
• **“NAMAZ U ISLAMU”**
• treće dopunjeno i prošireno
• izdanje. Format A5, tvrdi povež,
• 212 strana.

Mekteba IOB Tewhid



VCD/VHS Diskusija između
hfz. mr. Muhammeda Fadila Porče i
Jehovih svjedoka koja se održala u
prostorijama IOB Tewhid.

Arhiva IOB Tewhid



Komplet predavanja
u Mp3 formatu na 16 CD-ova, koji obuhvata
244 predavanja iz raznih oblasti islama.

Arhiva IOB Tewhid



Islamska Omladina Beč - Mesdžid Tewhid je
uz Allahovu pomoć i Njegovu dozvolu ponovo
aktivnije startovala sa radom na internet
stranici.

Lz tehničkih problema na koje je vremenom
naišla, stranica je u potpunosti rekonstruisana
i izmjenjena. Od imena www.bosna1.com
preko dizajna do bogatog sadržaja iz svih
oblasti islama uz mogućnost spuštanja audio
i video materijala (download) za sve one koji
žele da isti imaju na svom PC.

Također starnica ima mogućnost postavljanja
pitanja na koje odgovaraju najeminentnije
ličnosti današnjice.

U skorije vrijeme očekujemo, ako Allah da,
postavljenje i raznog materijala islamskog
sadržaja na njemačkom jeziku.

Sve vaše savjete, primjedbe i kritike možete
slati na našu email adresu
ummet@ummet.at

kur'an

akida

pitanja i
odgovori

muslima

tefsir

ahlak

hadis

hutbe

IOB

online
www.ummet.at





Informativni islamski časopis "El-Asr"

Izdavač

Stichting (Udruženje) Hidžra

Adresa

Amsterdam, Holandija

Registracija

KvK Amsterdam 34185854

Uplate na račun

Rabo Bank 1427.67.425

Urednik

Ebu-Hamza

Redakcija

S. Fazlić

A. Šibonjić

U ovom broju za El-Asr pišu:

Bilal Bosnić

Mr. Safet Kuduzović

Ahmed Džinović

Ishak Ahmetović

Sedin Gulamić

Refiz Duro

Kovačević Almira

Saradnici u ovom broju

Ummu Imad

Kontakti

Telefon: 06 269 78 398

e-mail: biltenElAsr@msn.com

Štampa

Štamparija "S" Zenica

Narudžbe

biltenElAsr@msn.com

www.jasnauputa.com

U ovom broju

Sabur	4
Uspijet će samo onaj ko je očisti	6
Muzika	8
Kontakt putem interneta— Opšti propisi	10
Iz života imama Ahmeda rahimehullah	11
Krvave kandže kolonijalističkih sila	12
Zbog čega ljudi ne slijede Allahov zakon	14
Šta se dešava poslije smrti	15
Savjeti za uspjeh u braku	16
Otkrila sam istinu	18
Spriječavanje trudnoće—kontracepcija	20
Javno pozivanje Kurejšija u islam	21
Kad sunce izgubi sjaj	23
Sve više Holandana prelazi na islam	25
Svojstva i karakteristike meleka	26
Dedždžal IV dio	28
Nagradna igra	30
Reklame	



APEL ZA POMOĆ STUDENTIMA

Smatramo da muslimani današnjice moraju sprovesti velike reforme u svom odnosu prema vjeri i analizirati svoje stanje tj. iznalaziti ispravna rješenja za izlazak iz ove nezavidne situacije. Jedno od ispravnih rješenja se ogleda u školovanju i pomaganju vjerskog kadra (ulagati u produktivne ljude) bez čega je nezamisliv preporod. U tom pogledu obraćamo se vama da shodno vašim mogućnostima finansijski pomognete naše studente (inša-Allah buduće islamske misionara, daije). Za sve detaljnije informacije i šire objašnjenje možete kontaktirati uredništvo lista. Vama i nama neka bude vodilja (stimulans) ajet i hadis." Jedni drugima pomozite u dobročinstvu i čestitosti, a ne sudjelujte u grijehu i neprijateljstvu, i bojte se Allaha, jer Allah strašno kažnjava (Kur'an) "I Ko bude na pomoći svome bratu, Allah će njemu biti na pomoći.... (hadis a h i h) . Naša poslednja dova je: "Hvala Allahu, Gospodaru svih svijetova!

Sabur

Piše Ahmed Džinović, profesor islamskih Nauka

Uzvišeni Allah je u svojoj Knjizi pohvalio one koji su strpljivi i obznanio je da će im On podariti obećanu nagradu bez obračuna. Također je obavijestio, da je On s njima svojom uputom, pružanjem pomoći i davanjem pobjede, pa je rekao: "i budite strpljivi, jer Allah je, zaista, na strani strpljivih!" (El-Enfal 46) Ovakvim Allahovim prisustvom uz strpljive oni će postići svako dobro na dunjaluku i Ahiretu, te Njegove skrivene i vidljive blagodati. Također Uzvišeni Allah je obznanio da sabur predstavlja svako dobro za one koji ga posjeduju, pa Uzvišeni kaže: "A ako otrpите, to je, doista, bolje za strpljive." (En-Nahl 126) Obavijestio nas je da sa saburom i bogobojažnošću ne mogu naškoditi spletke neprijatelja pa makar on bio moćan i jak. Uzvišeni kaže: "I ako budete trpjeli i ono što vam se zabranjuje - izbjegavali, njihovo lukavstvo vam neće nimalo nauditi. Allah, zaista, dobro zna ono što oni rade." (Ali-Imran 120) Također je povezoao uspjeh sa saburom i bogobojažnošću, pa Uzvišeni kaže: "O vjernici, budite strpljivi i izdržljivi, na granicama bdijte i Allaha se bojte, da biste postigli ono što želite." (Ali-Imran 200) I izvijestio je o Njegovoj ljubavi prema onima koji imaju ovu osobinu, a u tome je najjači podsticaj za one koji žele Njegovu ljubav, pa Uzvišeni kaže: "A Allah strpljive voli."

Ali-Imran 146) I obradovao je strpljive sa tri stvari od koje je svaka bolja od svega što imaju oni koji su na dunjaluku i na čemu međusobno zavide, pa Uzvišeni kaže: "A ti obraduj strpljive, one koji, kada ih kakva nevolja zadesi, samo kažu: -Mi smo Allahovi i mi ćemo se Njemu vratiti!" Njih čeka pohvala i oprost od Gospodara njihova i milost; oni su na pravom putu!" (El-Bekara 155-157) I učinio je da ulaskom u Džennet i spasom od vatre ne budu nagrađeni osim strpljivi, pa Uzvišeni kaže: "Njih sam Ja danas nagradio za ono što su trpjeli, oni su, doista, postigli ono što su željeli." (El-Mu'minun 111) I izdvojio je u okorištavanju Njegovim dokazima one koje su strpljivi i zahvalni, odvajajući ih od ostalih ovom velikom počasti, pa je rekao u četiri ajeta u Njegovoj Knjizi: "To su, uistinu, dokazi za svakog onog ko je strpljiv i zahvalan." (Ibrahim 5, Lukman 31, Sebe' 19, Eš-Šura 33) Sabur je stablo čovjekovog imana, pa nema imana onaj koji nema sabura a ako ga i ima to je najslabiji vid imana, a onaj koji posjeduje takav iman obožava Uzvišenog Allaha bez pravog uvjerenja. Ako ga prati dobro, on je smiren, a ako zapadne i u najmanje iskušenje, vraća se nevjerstvu, pa tako izgubi i ovaj i onaj svijet i na njemu neće imati ništa osim gubitka.

Značenje sabura

Sabur znači jezički: zabrana i zadržavanje, a šerijatsko značenje je: čuvanje duše od nestrpljivosti i jezika od pritužbi i udova od udaranja po obrazima, trganja odjeće i sl. Rečeno je: sabur je lijep odgoj duše kojim se sprječava činjenje onoga što nije dobro i propisano, i on predstavlja jedan od duševnih potencijala pomoću kojeg duša biva zdrava i ispravna. Zun-Nun El-Misri je rekao: "Sabur je udaljavanje od zabrana i mirnoća prilikom gutanja zaloga kušnji te izražavanje neovisnosti u slučaju oskudice za životnim potrebama." Jedan pobožan čovjek je vidio čovjeka kako se žali svome bratu, pa mu je kazao: "O ti, svojom pritužbom nisi učinio ništa više osim što si se potužio na Onoga koji je milostiv prema tebi onome ko ti se neće smilovati!" Pritužbi ima dvije vrste: pritužba Uzvišenom Allahu i ona ne negira sabur, kao što su riječi Jakuba, a.s.: "Ja tugu svoju i jad svoj pred Allaha iznosim!" (Jusuf 86) Druga vrsta: pritužba onoga koji je stavljen na neko iskušenje, gestovima ili riječima, i sa tim se sabur ne može sastati, nego je to u suprotnosti s njim i poništava ga. Duša je čovjekova jahalica na kojoj putuje prema Džennetu ili Džehennemu, a sabur je u odnosu na nju kao povodac i uzda u odnosu na jahaču životinju. Pa ako jahačeva životinja nije zauzdana

odlutaće u bilo kojem pravcu. Zapamćeno je iz El-Hadždžadžovog govora: "Sustežite svoje duše, jer su one sklone svakom zlu, a Allah se smilovao čovjeku koji svojoj duši stavi povodac i uzdu, te je povodcom usmjeri na pokornost Allahu a uzdom obuzda od grijšenja prema Njemu. Zaista je strpljenje od Allahovih zabrana lakše od strpljenja od Njegove kazne. Što se tiče sabura s obzirom na ono na što se on odnosi, on se dijeli na tri vrste: strpljenje u naredbama i pokornosti Allahu, subhanehu ve te'la, kako bi ih izvršavao; strpljenje na zabranama i grijesima, kako ne bi u njih zapao; i strpljenje na Allahovim, subhanehu ve te'ala odredbama, kako ne bi u vezi njih negodovao. O njima je rečeno: "Čovjek je u potrebi za naredbom kako bi je izvršavao, za zabranom kako bi je se klonio i za odredbom (kaderom) na kojoj će biti strpljiv."

Predaje o vrijednostima sabura

U Muslimovom "Sahihu" je zabilježeno od Ummu Seleme radijallahu anhuma da je rekla: "Čula sam Allahovog Poslanika sallallahu alejhi ve selleme da kaže: Nema nijednog muslimana kojeg zadesi neka nedaća pa kaže ono što mu je Allah naredio: (Svi smo Allahovi i svi se Njemu vraćamo, Gospodaru, nagradi me na mojoj nevolji i podari mi nakon toga svako dobro od nje; a da mu Allah nakon toga neće podariti svako dobro od nje). Rekla je: - Nakon što je umro Ebu

Seleme kazala sam: Ko je bolji musliman od Ebu Seleme, glave prve kuće koja je učinila hidžru k Allahovom Poslaniku sallallahu alejhi ve selleme? Potom sam rekla one riječi pa mi je Allah nakon toga podario Allahovog Poslanika sallallahu alejhi ve selleme." (Muslim u poglavlju "El-Dženaiz", 6/220). U Buharijinom "Sahihu" je zabilježena predaja od Ebu Hurejre radijallahu anhu da je Allahov Poslanik sallallahu alejhi ve selleme rekao: "Uzvišeni Allah kaže: - Nema druge nagrade Mome robu vjerniku, kada mu oduzmem



najdražu osobu na ovome svijetu, pa mirno i strpljivo podnese gubitak nadajući se Mojoj nagradi, osim Dženneta. (El-Buhari u poglavlju "Er-Rikak", 11/241) U dva "Sahiha" se bilježi od Aiše, radijallahu anhuma., da je rekla: "Allahov Poslanik s.a.v.s. je rekao: - Nema nijedne nedaće koja zadesi muslimana a da mu Allah njome ne oprost (neke grijehe), čak i ubod trna." (El-Buhari u poglavlju "El-Merda", 10/103). U "Musnedu" je zabilježena predaja od Ebu Hurejre radijallahu anhu: "Vjernika i vjernicu ne prestaju pogađati razne nedaće u njima samima, i u njihovom imetku, i u njihovoj djeci, sve dok ne sretnu Allaha bez ijednog grijeha."

(Vjerodostojan hadis: zabilježili su ga Ahmed u "El-Musnedu" (2/287) i ovo je njegova verzija, Et-Tirmizi u poglavlju "Ez-Zuhd" (7/80) i kaže: "Ovaj hadis je hasenun sahih" i El-Hakim u "Er-Rikaku" (4/214) i ocijenio ga je vjerodostojnim po Muslimovim uvjetima, a u tome se s njime složio Ez-Zehabi.) Neki naši prethodnici su govorili: "Da nije dunjalučkih nedaća, na Ahiretu bi bili od onih koji su propali." Sufjan ibn 'Uzejne je o Allahovim riječima: "Između njih smo Mi vođe određivali i oni su, odazivajući se zapovijedi Našoj, na pravi put upućivali, jer su strpljivi bili i u dokaze Naše čvrsto vjerovali" (Es-Sedžde 24); rekao: "Kada su se pridržavali najvažnijeg, učinili smo ih vođama." Omer ibn Abdul-'Aziz je rekao: "Neće Allah podariti svome robu neku blagodat pa mu je oduzeti, i onda je nadomjestiti saburom, a da to što je nadomjestio nije bolje od onoga što je oduzeo." Razbolio se Ebu Bekr Es-Siddik radijallahu anhu, pa su ga obišli i upitali ga: "Zar ti nećemo pozvati doktora?" On je odgovorio: "Doktor me je već vidio!" "Šta ti je rekao?" - upitaše oni. On odgovori: "Rekao mi je: - Ja činim ono što Ja hoću!" Prenosi se da je Se'id ibn Džubejr rekao: "Sabur je: Priznanje čovjeka Allahu da je sve što ga zadesi od Njega, tražeći nadoknadu kod Allaha i nadajući se Njegovoj nagradi, i čovjek može biti uznemiren ali mirne vanjšine i na njemu se ne primjećuje osim sabur."


Pitanje:

Selam alejkum.
Interesuje me u kojoj mjeri je alkohol zabranjen? Tj. da li je uredu konzumirati razne vrste i arome alkohola, koje se nalaze u veoma maloj količini pri nekom jelu? Hvala vam unaprijed.

Odgovor:

Es-Selamu alejkum.
Propisi o alkoholu su jasni. Ono što opija u velikoj količini, zabranjeno je i u maloj. Nevažno da li se nalazilo u jelu, piću ili nečemu drugom. Ono što je kategorički zabranjeno, zabranjeno je i u "maloj" količini. Svaki alkohol, koji opija zabranjen je. Allah d.š. najbolje zna. Neka vam Allah dž.s. pomogne u vašem životu na ovom i budućem svijetu i neka nas sve sačuva grijeha i grijšenja!

**Hfz. mr.
Muhammed Fadil
Porča**



Uspijet će samo onaj ko je očisti

Piše Bilal Bosnić

Zahvala pripada Allahu dželle šanuhu, samo Njega obožavamo i samo od Njega pomoć tražimo, Njemu se utječemo od zla naših duša, koga On uputi niko ga u zabludu ne može odvesti, a koga On u zabludi učini, niko ga na pravi put ne može uputiti. Svjedočim da nema drugog boga osim Allaha subhanehu ve te'ala i da je Muhammed sallallahu alejhi ve sellem Njegov rob i Njegov Poslanik. **"O vjernici, bojte se Allaha istinskom bogobojažnošću i umirite samo kao muslimani!"** (Ali-Imran 102) *Uistinu je najljepši govor, Allahov govor, a najljepša je uputa, uputa Muhammeda sallallahu alejhi ve sellem. Najgore stvari su novotarije u vjeri, a svaka novotarija je zabluda.* (Muslim)

U ono u šta ne sumnja nijedan musliman, jeste da je Allah subhanehu ve te'ala slao poslanike, donosioc radosnih vijesti i upozorenja, da bi se uzdigla Allahova riječ (tewhid). Rekao je Uzvišeni: **"Prije tebe nijednog poslanika nismo poslali a da mu nismo objavili: 'Nema boga osim Mene, zato se Meni klanjajte'!"** (Al-Anbiya 25). U osnovne razloge slanja pečata, čiste vjere (duša i tijelo) od širka, slanje je Muhammeda sina Abdullahova oca Kasimova

alejhissemam. U prioritetne zadatke biva mu postavljeno, podučiti i praktično pokazati na koji način se duhovno čisti duša i čuva od nečistoće ateizma i višeboštva. Dakle čuvati čistu dušu, mozak i srce od raznih bolesti i ružnih misli (vesvesa), koje dolaze od prokletog šejtana. Rekao je Uzvišeni: **"Allah je vjernike milošću Svojom obasuo kad im je jednog između njih kao Poslanika poslao, da im riječi Njegove kazuje, da ih očisti i da ih Knjizi i mudrosti nauči, jer su prije bili u očitoj zabludi"**. (Ali-Imran 164) Kada je čišćenje duše bilo na visokom nivou, kune se Gospodar nebesa i zemlje tom dušom i proglašava je pobjednicom. Kaže Uzvišeni: **"Uspjeće samo onaj ko je očisti, a biće izgubljen onaj ko je na stranputicu odvodio!"** (Aš-Šems 9-10).

Poslan sam da upotpunim kodeks ponašanja

Pojašnjava Allahov Poslanik sallallahu alejhi ve sellem da u prioritetne stvari spada odgoj duše, riječima: **"Zaista sam poslan da upotpunim kodeks ponašanja (Ahlak)"**. (Buhari u Edebul-Mufredu, Hakim, Bejheki). Ovim hadisom Muhammed sallallahu alejhi ve sellem postavlja ciljeve njegovog slanja od strane Allaha dželle šanuhu u koje spada liječenje srčanih bolesti (duhovnog karaktera), u koje spada

ostavljanje onog što je zabranjeno i ukrašavanje morala s kojim će naš Gospodar biti zadovoljan. Cijeli Sunnet (praksa) našeg Poslanika sallallahu alejhi ve sellem je pun upustava i išareta na vrijednost lijepog ponašanja u islamu, to jest u životu jednog iskrenog vjernika, uz obećanja da su nagrade za to ulazak u Džennet. *Rekao je Allahov Poslanik sallallahu alejhi ve sellem: "Nema ništa teže na vagi vjernika na Sudnjeme Danu od lijepog ponašanja, a Allah prezire nemoralnog razvratnika"*. (Tirmizi, Ahmed, Ibn Madže i Hiban u svome sunenu). *Džabir, radijallahu anhu, prenosi da je Allahov Poslanik sallallahu alejhi ve sellem rekao: „Zaista su mi od vas najdraži i sjedit će najbliže meni na Sudnjeme Danu, oni koji su najljepšeg ahlaka. A*



zaista su mi najmrži od vas i najudaljeniji od mene sa mjestom gdje će sjediti na Sudnjeme Danu, jesu brbljivci, oholi, govornici i samodopadni koji prenemažu u govoru." (Tirmizija, hasen) *Ebu Hurejre r.a. kaže: "Upitan je Allahov Poslanik s.a.v.s. o onom što će ljude najviše uvoditi u Džennet?, reče: "Bogobojažnost i lijepo ponašanje!"*. (Tirmizi, Ibn Madže, Ahmed i Ibn Hiban u svome sahihu). Poslanikov sallallahu

alejhi ve sellem odgoj i upute su bile precizne i dalekovidne, znajući da popravljanje unutrašnjeg izgleda, donosi pozitivne rezultate u svakom pogledu. *Rekao je Allahov Poslanik alejhissemam: "Zaista Allah ne gleda u vaše izgleda, niti imetke, već gleda u vaša srca i vaša djela"*. (Muslim i Ibn Madže) U svima nama poznatom hadisu koji je zabilježen u oba sahiha kaže Allahov Poslanik sallallahu alejhi ve sellem: **"Zaista se djela cijene prema nijetu i svakom čovjeku pripada ono što je zanijetio....."** Znači ispravnost ili neispravnost naših djela su duboko vezana za našu namjeru (nijet). Ispravni predhodnici su znali reći: "Koliko je vlasnika velikih djela propalo zbog malih nijeta, a koliko je vlasnika malih djela uspjelo zbog velikih nijeta"! Ovi dokazi nam pomažu da nešto dobro ponovimo i zapamtimo. Obaveza je svakom muslimanu, koji želi uspjeh na oba svijeta, da povede dobro računa o svom nijetu u svom govoru, namjerama i postupcima.

Veza između duše i tijela

Ulaganje istinskog truda uz razne vrste ibadeta (tajnog i javnog), pomoći će nam da se obdržimo na ovom putu, uz Allahovu pomoć.

Rekao je Uzvišeni: "Oni koji se budu zbog Nas borili, Mi ćemo sigurno, putevima koji Nama vode uputiti, a Allah je zaista na strani onih koji dobra djela čine"! (Al-Ankabut 69) Uzimajući sve u obzir, naša čista vjera ne ostavlja prazan prostor u pogledu vanjskog izgleda, već ta vanjština dopunjava duhovnu stranu. Znamo da Allah dželle šanuhu naređuje prilikom izvršavanja jednog od najvažnijih ibadeta kao što je namaz, ukrašavanje vanjštine riječima: "O sinovi Ademovi, lijepo se obucite kad hoćete da molitvu obavite i jedite i pijte, samo ne pretjerujte: On nevoli one koji pretjeruju". (Al-A'araf 31) Osuđuje Allah subhanehu ve te'ala skupine ljudi koji pretjeruju u

pogledu duše i niječu mnoge blagodati misleći da je to skromnost (zuhd), koja je pohvaljena u islamu. Rekao je Uzvišeni: "Reci:" ko je zabranio Allahove ukrase, koje je On za robove Svoje stvorio, i ukusna jela"? (Al-A'araf 32) Zbog toga je došla naredba u Kur'anu i Sunnetu o čišćenju, kupanju, upotrebi misvaka, koji budu preduslovi za namaz, a istovremeno ibadet se ogleda kroz čišćenje tijela i njegovo održavanje, pa ćemo naći da islam traži obrezivanje, čišćenje stidnih mjesta, kraćenje noktiju, pustanje brade, kraćenje brkova i ostalih vidova lične higijene. Činjenice nam govore, da je jaka veza između vanjštine i unutrašnjice i nemoguće je da se musliman ustabilji na pravom putu, osim uz ravnotežu između tijela i duše (vanjskog i unutrašnjeg segmenta). Rekao je

šejhu-l-Islam Ibn Tejmije rahmetullahi alejhi: "To su unutrašnje stvari vezane za srce: ubjeđenje, iman, želje, vanjština od govora i dijela koja mogu biti ibadeti ili dozvoljene stvari (muamelati), te skrivena i vidljiva dijela među njima mora biti ispravna veza." (Kitab Iktida Siratulmustekim str. 27)

Šejtanske spletke na ovom putu

Ovu stalnu vezu između duše i tijela šejtan ne voli i radi na tome danonoćno da je pokvari kroz razne sumnje i predrasude, želeći prevariti na bilo koji način sinove Ademove i napraviti poremećaj koji remeti ispravan odnos tijela i duše. Kod ovih spletki šejtan koristi dva načina: davanje prednosti duši ili tijelu i uvođenjem raznih novotarija (akaidskih ili fikskih). Na ova dva načina prokleti šejtan uspeva sljedbenike islama djelimično ili potpuno

skrenuti sa pravoga puta i to ga puno raduje. Dakle možemo zaključiti odakle nam može doći opasnost. U ove spletke je uveo mnoge skupine vjernika koji su se zaustavili na nekoliko vanjskih ibadeta kao što su: brada, brkovi, odjeća, misvak ili nekoliko adaba vezanih za jelo i piće, spavanje itd. Navedeni primjeri su utemeljeni u Sunnetu, a mi znamo da u islamu ništa nema za odbaciti, niti nevažno, samo se mora paziti da to nebude na račun tajnih ibadeta. Rezultat i pravo stanje današnjih muslimana se može lahko zapaziti i procijeniti: duhovni poraz koji proizilazi iz srca pred njihovim neprijateljima i ne postojanje fizičke spremnosti da se suoče sa nosiocima jasne zablude. **VELA HAVLE VELA**

KUVETE ILA BILLAH! Ono što je još žalosnije, jeste ubjeđenje mnogih muslimana danas, da su oni na putu na kojem je bio Nuh alejhisselam i Muhammed sallallahu alejhi ve sellem, zatim prve generacije muslimana, prekrivajući mnoge duhovne bolesti, neke od njih su veoma opasne za ovaj i onaj svijet, te ističući često vanjski izgled, koji na mnogo mjesta može dobro zavarati. Možda će se neko začuditi ovom stilu i posumnjati u pravac pisca ovog teksta, ali neka zna da je prokleti šejtan na ovakve načine zaveo mnoge sa pravog puta, a bili su ulema, dobri, skromni i bogobojažni. Ko želi više da se upozna sa šejtanskim zavodjenjem neka se vrati na kljigu TEBLIS-IBLIS od Ibn Feredž ibn El-Dževzije ili djelima od Ibn Kajima, koja govore

na ovu temu. Na kraju ovog skromnog teksta, musliman mora biti realan i pravedan u pogledu unutrašnjih i vanjskih ibadeta, naučiti šta su prioriteti u vjeri, od njih početi, zatim ništa od islama ne zanemarivati i na taj način biti ubjeđen da je na pravome putu, na kojem je bio najbolji Allahov Poslanik, Muhammed sin Abdulahov otac Kasimov sallallahu alejhi ve sellem. Allaha prizivamo za pomoc i na Njega se oslanjamo, divan je On zaštitnik i pomagač. Naša posljednja dova je: "Hvala Allahu, Gospodaru svih svjetova".



Muzika

Piše mr. Safet Kuduzović

U svemu što je Allah, subhanhu ve te'ala, zabranio postoji mudrost i korist Njegovim robovima, vidjeli to oni ili ne, svejedno da li to nauka ustanovila sad ili poslije izvjesnog perioda. Uzvišeni Allah kada nešto zabranjuje Svojim robovima, zabranjuje i sve puteve koji tome vode. Nema nimalo sumnje da muzika i njeni opojni zvuci bude strasti i navode čovjeka da čini ono što je zabranjeno. Najveći dokaz tome jeste i vrijeme u kome živimo. Da li ste vidjeli nekoga ko obavlja namaz, uči Kur'an, čita hadise Allahova Poslanika sallallahu alejhi ve sellem i boji se Allaha dželle šanuhu da čini nemoral?! Tako mi Onoga, pored Koga drugog boga nema, to se čini uz muziku i uz šejtanske glasove koji opisuju ono što i u "kamenom" čovjeku budi strasti. Muzika odvodi od spominjanja i podsjećanja na Allaha subhanehu ve te'ala, jer sve pjesme koje se pjevaju uz nju, vezane su za dunjaluk i njegove varljive ljepote. Još nikada nismo čuli da neka od tih pjesama spominje kabur, Sudnji dan, polaganje računa pred Allahom Gospodarom svih svjetova itd. Zar to nisu šejtanska posla?! Ovim nevrijednim prolaznim užicima ovoga svijeta zavode se Allahovi robovi kako bi izgubili Ahiret. To šejtan želi da Allahove robove, učini svojim robovima i da budu u njegovoj stranci, a ona je zaista na gubitku. Uzvišeni Allah kaže: **"Oni na šejtanovoj strani sigurno će nastradati"** (Prijevod značenja Kurana, El-Mudžadele, 19.) Muzika ima i druge štetne posljedice kao: kvarenje ahlaka ljudi i zajednice, ulijeva licemjerstvo u ljudska srca, iziskiva trošenje velikog imetka, uz nju se oponašaju nevjernici a to je strogo zabranjeno.

Dokazi iz Kur'ana

Uzvišeni Allah kaže: **"Ima ljudi koji kupuju zaludni govor (lehvel hadis), da bi ne znajući s Allahova puta odvodili."** (Prijevod značenja Kur'ana, Lukman, 6.) Od Ebu el-Bekerija se prenosi da rekao: Upitan je Ibnu-Mes'ud radijallahu anhu za ovaj ajet, pa je odgovorio: *"Tako mi Onoga, osim Kojeg drugog boga nema, (ovu zakletvu je ponovio tri puta), to je muzika."* (bilježe: Et-Teberi; El-Hakim; El-Bejheki sa ispravnim lancem prenosilaca). Ibnu-Mes'ud je za sebe rekao: *"Tako mi Allaha, osim Kojeg drugog boga nema, nije objavljena ni jedna sura iz Kur'ana a da ne znam gdje je objavljena, niti ima jedan ajet iz Allahove Knjige a da ne znam povodom čega je objavljen. Da znam nekog da je učeniji od mene u Allahovoj Knjizi, a moguć mu je pristup, osedlao bih jahalicu i otišao mu."* (Muttefekun alejhi) U predaji kod Muslima stoji dodatak: kaže Šekik: "Sjedio sam



u halki ashaba Allahova Poslanika sallallahu alejhi ve sellem i nisam čuo ni jednoga od njih da je porekao riječi Ibnu-Mes'uda." Ovo potvrđuje da je Ibnu Mes'ud bio zaista najučeniji ashab u Allahovoj dželle šanuhu Knjizi. Od Se'ida Ibnu-Džubejra se prenosi da je Ibnu-Abbas radijallahu anhu za ajet: **"Ima ljudi koji kupuju lehvel-hadis"** rekao: "To je muzika." (bilježe: et-Taberi; El-Bejheki; El-Buhari u "El-edebul-mufred", a šejh Albaniji ga je ocijenio ispravnim). Poznato je da je Ibnu-Abbas radijallahu anhu tumač Kur'ana, kojeg je Poslanik sallallahu alejhi ve sellem jedan prilike privio na svoje grudi i rekao: "Allahu moj pouči ga Knjizi." (Muttefekun alejhi). U predaju kod Ibn-Madže stoji: "Allahu moj poduči ga mudrosti (Sunnetu) i tumačenju Kur'ana." Od oca Ebi-Zabijana se prenosi da je Džabir radijallahu anhu za ajet: **"Ima ljudi koji kupuju lehvel-hadis"** rekao: "To je muzika i slušanje muzike." (bilježi et-Teberi). Tumačeći "lehvel-hadis" spomenut u ovome ajetu, učenik Ibnu-Abbasa Mudžahid je rekao: "To je muzika."

Mudžahid je bez sumnje najučeni tabi'in i on je trideset puta ponovio Kur'an pred Ibnu-Abbasom zastajući kod svakog ajeta i pitajući ga o svemu što je vezano za taj ajet. 'Ikrima o "lehvel-hadis", kaže: "To je muzika." Ibnu-Omer radijallahu anhu, također, kaže: "lehvel-hadis, to je muzika." Hassan el-Basri potvrđuje: "To je muzika i duvački instrumenti."

Imam Et-Taberi, opet kaže: "Ovaj ajet obuhvata sve što odvodi od Allahova puta, i na prvom mjestu spomenuo muziku." U svome tefsiru navodi tridesetak predaja sa različitim lancima prenosilaca a one govore da se ovaj ajet odnosi na muziku, pjevačice i drugo vezano za muziku. Ibnu-Kesir navodi: "Da se ajet odnosi na muziku mišljenja su: Ibnu-Abbas, Ibnu-Mes'ud, 'Ikrima, Mudžahid, Se'id Ibnu-Džubejr, Mekhul, Amr Ibnu-Šu'ajb, Alij Ibnu-Buzejme. Imam el-Kurtubi u svome tefsiru kaže sljedeće: "Ovo je najispravnije tumačenje ovoga ajeta, a Ibnu-Mes'ud se tri puta zakleo da je to muzika. Ona je zabranjena Kur'anom i Sunnetom." Ibnul-Kajjim tvrdi da: "Nema čovjeka koji sluša muziku ili svira, a da nije u zabludi svojim znanjem i djelima." Muhammed Ibnu-Kadir veli: "Složili su se Ibnu-Mes'ud, Ibnu-Abbas, Džabir i tabi'ini poslije njih, da se lehvel-hadis koji se zabranjuje u ajetu, odnosi na muziku. To je nepobitan dokaz o zabrani muzike a ujedno i odgovor Ibnu-Hazmu koji zagovara da o zabrani muzike nema nikakvih dokaza. Šejh Ahmed el-Hemedani navodi imena trinaest najpoznatijih tabi'ina, koji kažu da se "lehvel-hadis" odnosi na muziku. Nakon svega nema dvojbe da i kada ne bi postojali drugi dokazi o zabrani slušanja muzike osim

ovoga ajeta, on je dovoljan. Također nema sumnje da su riječi ashaba i tabi'ina dokaz budući da su oni crpili znanje sa najčistijeg izvora izravno od Allahovog Poslanika alejhisselam. A Uzvišeni Allah nastavljaajući Svoj govor o onima koji kupuju lehvel-hadis kaže: **"Kada se nekom od njih ajeti Naši kazuju on oholo glavu okreće, kao da ih nije ni čuo, kao da je gluhi, zato ga bolnom patnjom obraduju."** (Prijevod značenja Kur'ana, Lukman, 7.) Imam et-Taberi komentirajući ovaj ajet kaže: "Oni koji kupuju lehvel-hadis kada čuju zov Kur'ana okreću se, ne želeći da Ga slušaju niti da Mu se odazovu." Ovdje se nalazi odgovor na pitanje, zašto oni koji slušaju muziku okreću svoje glave od Kur'ana - zato što su to dvije oprečnosti koje se ne mogu istovremeno naći u srcu vjernika, i ako je jedno nastanilo srce, za drugo nema mjesta. Obraćajući se šejtanu Allah subhanehu ve te'ala kaže: **"I zavodi glasom svojim koga možeš."** (Prijevod značenja Kur'ana, El-Isra', 64.) Mudžahid ovaj ajet tefsiri ovako: "Šejtanski glas spomenut u ovome ajetu jeste muzika i zabava." Šejhul-Islam Ibn Tejmijje u svojim velikim fetvama navodi sljedeće: "Glas šejtana u ovome ajetu aludira na muziku, kako tvrde neki ispravni prethodnici." Imam El-Kurtubi u svome tefsiru zapaža: "Ovaj ajet upućuje na zabranu muzike." Uzvišeni Allah kaže: **"Pa zar se ovom govoru iščuđavate, i smijete se a ne plaćete a vi samidun, bolje je padajte licem ne tle pred Allahom, i klanjajte se."** (Prijevod značenja Kur'ana, En-Nedžm 59-62). Ibnu-Abbas radijallahu anhu ovako komentira citirani ajet: "Samidun je muzika (tj. oni koji muziciraju). Kada bi (mušrici) čuli da se uči Kur'an pjevali bi i zabavljali se. Ova riječ potiče od stanovnika Jemena." (bilježe: et-Teberi, el-Bejheki i Ibnul-Dževzi) Mudžahidov tefsir je identičan: "To je muzika, kažu stanovnici Jemena usemede redžulun"- Tj. muzicira čovjek." Kura'nske sure Lukman, El-Isra' i En-Nedžm, iz kojih smo citirali gornja tri ajeta, mekanske su po 'idžmau islamskih učenjaka. Dakle Uzvišeni Allah je još u Mekki zabranio muziku, prije nego što je propisan namaz, džihad i dr.

Dokazi is sunneta

Hadisi Allahova Poslanika sallallahu alejhi ve sellem koji zabranjuju muziku su jasni i bez posebnog komentara. A mi ćemo se ograničiti samo na neke od njih:

1. Imam el-Buhari bilježi u svome Sahihu od Ebi-Musaa el-Eš'arija da je Poslanik sallallahu alejhi ve sellem rekao: **"Zaista će se pojaviti ljudi iz moga ummeta koji će dozvoljavati nemoral, svilu, alkohol i muzičke instrumente. Stanovat će u podnožju brda, a njihov pastir stoku će im napasati. Doći će im siromah (tražeći pomoć), pa će mu reći da im dođe sutra. I zadesit će ih strašna noć, Allah Uzvišeni će brdo na njih strovaliti, a od nekih će načiniti izobličene majmune i svinje do Sudnjega dana.** (bilježi: El-Buhari, Ebu Davud, Ibnu Madže i drugi) Citirani hadis vjerodostojnim smatraju: Buhari, Ibn-Hibban, Nevevi, Ibn-Tejmijje, Ibn-Kesir, Ibn-Kajjim, Askalani, Sehavi, Sujuti,

Sanani, Alusi, Albani i drugi. Složni su islamski učenjaci da su razvrat, svila (za muškarce) i alkohol zabranjeni. Uz ove najstrožije zabrane Poslanik sallallahu alejhi ve sellem spominje i muzičke instrumente, koji imaju isti hukm (propis).

2. Od Ibnu-Abbasa radijallahu anhu se prenosi da je Poslanik sallallahu alejhi ve sellem rekao: **"Allah mi je zabranio ili Allah je zabranio vino, kocku i el-kubeh a sve što opija haram je."** Kaže Sufjan: "Upitao sam Alija el-Bezimetu, šta je to el-kubeh"? Pa mi je odgovorio: "To je bubanj." (bilježe: Ebu-Davud, imam Ahmed, el-Bejheki sa ispravnim lancem prenosilaca).

3. Od Ebi-Umame radijallahu anhu se prenosi da je Poslanik alejhisselam rekao: **"Ne prodajte pjevačice, niti ih kupujte, niti ih podučavajte pjevanju, zaista nema dobra od takve trgovine, a sredstva tako zarađena su haram."** U povodu ovoga spušten je ajet **"Ima ljudi koji kupuju lehvel-hadis"** (bilježe: Ibnu Madže, et-Tirmizi, imam Ahmed i drugi) Kaže imam el-Alusi: "Ovo upućuje na pogrdnost slušanja muzike." U ovom hadisu je dokaz da sredstva do kojih se dođe svirkom, upotrebom muzičkih instrumenata i pjevanjem nisu dozvoljena. Onaj ko se hrani takvim imetkom priprema svoje tijelo za džehennemsku vatru, shodno Poslanikovim alejhisselam riječima: **"Tijelo koje izraste iz harama (jedući i pijući haram imetak) preče je za vatre džehennemske."** (bilježe: Imam Ahmed, el-Hakim, et-Taberani i drugi)
4. Prenosi Džabir radijallahu anhu od Poslanika alejhisselam da je rekao: **"Nisam zabranio plakanje, već sam zabranio dva pogana glasa: zvuk muzike i igre te šejtanskih svirala..."** (bilježe: El-Bejheki, el-Hakim i drugi, a slično ovome i et-Tirmizi i kaže «hasenu-sahih». Šejh Albani ge je ocijenio kao hasen) Kaže šejhul-Islam Ibnu Tejmijje: "Ovaj hadis spada među najjače dokaze o zabrani muzike."

5. Imam Ahmed u svome Musnedu bilježi da je Poslanik alejhisselam rekao: "Allah me je poslao kao milost i uputu svjetovima i naredio mi je moj Gospodar subhanehu ve te'ala da iskorijenim i uništim muzičke instrumente, kipove..."

6. Enes Ibnu Malik radijallahu anhu prenosi da je Poslanik sallallahu alejhi ve sellem rekao: "Dva su glasa prokleta i na dunjuku i na ahiretu: glas flaute (frule) u raskoši i blagostanju i cviljenje u nedaći." (bilježi El-Bezzar u svome Musnedu sa dobrim lancem prenosilaca) Danas pojedini "učenjaci" muziku porede sa cvrkutom ptica govoreći da, ako je dozvoljeno slušati cvrkute ptica, onda je dozvoljeno i slušanje muzičkih instrumenata koji prave iste te zvukove. Odgovor na ovo je jednostavan. U šerijatskim izvorima nema dokaza o zabrani slušanja cvrkuta ptica, a muziku zabranjuje i Kur'an i Sunnet i 'idžma (konsenzus islamaskih učenjaka). Prema tome, ova analogija (kijas) ne vrijedi i nema analogije uz postojanje jasnog dokaza iz Kur'ana ili Sunneta.

U narednom broju inšaAllah: **Kako hanefijski mezheb gleda na slušanje muzike.**

Kontakt putem interneta – Opšta pravila

Selman b. Fahd El-'Audeh, Medina-Munevera

Postoje li ikakva pravila kada je u pitanju uspostavljanje kontakta između različitih polova putem interneta i sl. Šta savjetujete onima koji se upuštaju u internet -paukovu mrežu. Čime bi ste savjetovali djevojku koja nemjerava koristiti internet mogućnosti na putu islamskog da'veta? Da li može neko s one strane računara njima činiti "da'vet"?!



Što se tiče pravila i načela komuniciranja dva pola putem interneta, ono što mi je trenutno sada na umu je slijedeće:

Neupotrebljavati lične slike ni u kakvoj situaciji!!!

Upotreba slike nije nikakva nužda ili potreba apsolutno, tako da je pisana riječ dovoljna. Upotreba slike je jedan od opasnijih šejtanskih prilaza čovjeku, zato što se time uljepšava batil i lakše približava čovječijoj duši! Možda će se neko začuditi i zapitati - da li je to moguće! Odgovor je: Nekome će se činiti da nije, ali onaj koji poznaje puteve zabluda i zna na koji sve način šejtan prilazi čovjeku ništa se ne mora čuditi. Bolesna duša će nekada kristalno jasnu grešku obući u odjelo dobra i čestitosti. Mi volimo kad kada varati sami sebe jel' da!?

Zadovoljiti se pisanjem i slovima!!!

Zadovoljiti se pisanjem i slovima, bez usmena obraćanja i razgovora, a ako se baš bude u nuždi i potrebi, onda se sljedeći kur'anski ajet strogo mora uzeti u obzir: " ... ako se Allaha bojite, na sebe pažnju govorom ne skrećite, pa da u napast dođe onaj čije je srce bolesno, i neusiljeno govorite." (el-Ahzab:32) Ako je ovo naredba ženama Poslanika alejhisselam, koje su majke vjernika, i koje niko ne smije oženiti nakon Poslanika alejhisselam, šta li je onda sa ostalim muslimankama!? Ako je ajet objavljen u poslanikovom vremenu šta li je onda sa vremenom u kojem živimo mi danas, koje je puno strasti, šehevata i fitneta!!!

Brzo završavati razgovor!!!

Ne upuštati se u bespotrebne priče, jer veliki broj ljudi samim tim što osjeti da se sa druge strane nalazi drugi pol, bez obzira na temu o kojoj se govori, neće se zadržati samo na pisanoj riječi, već će maksimalno pokušavati po mogućnosti čuti ženski glas, pogotovo ako bude lijep ili

nježan. A i žensko će isto tako pokušati čuti glas muškarca, jer su žene sestre ljudima. Svaki od njih se interesuje za drugu stranu, pa makar i pismenim putem! S toga neka tema bude ozbiljna, daleko od bilo kakvih natruha!

Budnost i opreznost!!!

Ne smijete biti nemarni, jer se na internetu u većini slučajeva nalaze fantomi, gdje će muškarac biti sa ženskim nickom, a žensko će se predstavljati kao muško, a potom šta li je rezultat!? Šta li će se naučiti? Kuda će se otići? Šta li će biti namjera? Šta je kultura? Šta će se zbiti...? Sve je nepoznanica! Moram upozoriti plemenite sestre posebno na težinu i opasnost momenta, jer je iz iskustva poznato da je žensko biće lakovjerno, i pada na sladunjav govor, tako da je lovac može satjerati u mrežu, koji s početka može biti iskreni savjetnik, kasnije žrtva koju neko teroriše i koja traži spasa, da bi na kraju ispao neženja koji traži sebi trenutna saputnika!!!

Savjet!!!

Ako već budu aktivne na polju da'veta putem interneta, savjetovao bih cijenjene sestre da budu međusobno povezane koliko su god to u mogućnosti, kako bi opstale na toj nemirnoj ogromnoj pučini gdje bi razmjenjivale stečena iskustva, međusobno se pomagale, jer je čovjek slab kada je sam ali kada je sa prijateljima i kada je u društvu je jak!!! Allah dž.š. kaže: "Tako mi vremena - Čovjek je doista na gubitku. Izuzev onih koji vjeruju i dobra djela rade i koji jedni drugima preporučuju pravdu i koji jedni drugima preporučuju strpljenje. (sura el-Asr)

Bilježi imam Taberani rhm. u djelu "Mu'džemul-Evset" i Bejheki rhm. u djelu "Šu'abul-Iman" od ashaba Ebu Mulejke el-Darimija r.a. koji kaže: Kada bi se dva druga Muhammeda, sallallahu alejhi ve sellem, susrela ne bi se razišli sve dok neki od njih ne bi drugome proučio suru el-Asr, pa bi se potom poselamili. (El-Derr el-Mensur, 8/621) Poseban akcenat stavljam na to da se sestre posebno pozabave ženskim svijetom na internetu, te da da'vet i savjetovanje usmjere na tu adresu; da im omoguće svestrano upoznavanje i podučavanje putem interneta, što bi se moglo odradivati indirektnim putem, jer direktno obraćanje ponekada može izazvati odbojnost kod druge strane, jer onaj koji daje savjet odmah zauzima gornju poziciju, a onaj kome se savjet daje zauzima donji rang. S toga lijepim načinom komunicirajte, fino se obraćajte jedni drugima, i budite strpljive. Molim Allaha dž.š. da sve sestre pomogne i nagradi ih najljepšim ni'metima.

El-Asr

Iz života imama Ahmeda rahimehullah

Muhammed al-Sharif

Jedna od zadnjih oporuka Allahovog Poslanika sallallahu alejhi ve sellem bila je: *"Ja vam ostavljam dvije stvari, i ako ih se budete držali neće te zalutati, a to su Kur'an i moj Sunnet."* Kada je Poslanik alejhisselam preselio na ahiret ummet je bio iskušan sa ljudima koji su htjeli da pokvare, omalovaže ili odvoje Sunnet iz islama. Uzvišeni Allah zbog svoje milosti prema poslanikovom alejhisselam ummetu šalje borce koji staju licem u lice sa najvećim i najzlobnijim neprijateljima Sunneta. Između tih ljudi koje je Allah dželle šanuhu odabrao bio je i imam Ahmed rahimehullah.

Imam Ahmed je živio u Bagdadu prije više od hiljadu godina. Njegova majka bi ustajala vrlo rano da ugrije vodu svome sinčiću kako bi uzeo abdest. Onda bi ga probudila. On bi uzeo abdest, pa bi ga obukla, umotala u šalove i pvela oprezno kroz mračne ulice Bagdada do obližnjeg mesdžida. Nije bilo niti jednog muškarca da ide snjim (otac mu je preselio dok je bio vrlo mlad), tako da ga je vodila njegova majka. Vodila ga je vrlo rano kako bi on, poslije Sabah-namaza, mogao naći dobro mjesto u halkama gdje se proučavao hadis. Zatim bi ga satima čekala da ga odvede kući. Njen sin je odrastao i postao jedan od onih boraca branilaca Sunneta, jedan od četiri imama dina, Imam Ahmad ibn Hanbal, rahimehullah. Imam Ahmed je rastao u sjeni Sunneta i on je živio Sunnet. Njegovo najpoznatije djelo je "Musned", jedan od najcijenjenih hadiskih zbirki. Zabilježeno je da je rekao: *"Nikad nisam napisao niti jedan hadis, a da ga nisam pokušao primjeniti u praksi."* U tom duhu Sunneta on je odgajao i svoju djecu. Neka ovaj primjer bude svim očevima koji svoje vrijeme se svojom djecom prvo vode na igralištima igrajući lopte. Abdullah, imam Ahmedov sin, je podučavao svoje studente da se njegov otac ovako igrao sa njim: *"Uzmi jedno poglavlje koje hoćeš iz Musannaf-a'. Pitaj me neki hadis i ja ću ti reći lanac prenosilaca, ili reci mi lanac prenosilaca a ja ću ti reći hadis!"* Ime Imama Ahmeda ostaje ugravirano u našoj islamskoj povjesti zbog njegove ljubavi prema Sunnetu Poslanika alejhisselam i njegovoj ustrajanošću da se odupre svima onima koji hoće da ga pokvare, pa makar to bili i sami vladari. Imam Ahmad je jednom klanjao lkindiju-namaz i sjeo sa svojim sinom u mesdžidu sa još jednim čovjekom koji se zvao Said Al- Khuttali. Al-Khuttali ga je upitao: "Jesi li ti o Ahmede rekao ljudima da bojkotuju Zajda ibn Khalafa?" Odgovorio je: "Ja sam dobio pismo od njegovih ljudi koji su pitali o njegovom ponašanju. Ukazao sam im na njegove postupke koji se kose sa Kur'anom i Sunnetom i predložio im da ga ne slijede" Al-Khuttali je eksplodirao, crven od ljutnje je vikao: "Ja ću se pobrinuti da odeš nazad u zatvor i da ti smrskaju rebra." Imam Ahmed je izašao, a al-Khuttali je psovao iza njegovih leđa. Kada je halifa Mu'tasim - pripadnik zalutale sekte Mutezila - čuo da se

imam Ahmed ne slaže sa njim, doveli su ga pa su ga potom ispitivali u sudnici halifata. Halifine muftije su sa raspravljali sa imamom Ahmedom a on ih - kao gladiator sa kopljem u areni - gađao sa većim i jačim argumentima. Muftije su se— vidjevši svoj poraz— derale, "O halifa, on je počinio kufr!" Kad je halifa shvatio da je imam Ahmed čvrst i da ne želi prihvatiti njegovo mišljenje, pozvao je stražare. Oni su skinuli imama Ahmeda - Allah mu se smilovao - a najjači stražari su počeli sa bičevanjem, sve dok se nije onesvijestio. Unatoč njegovom stanju, oni su nastavili da ga bičuju. Sunce je zašlo, stražari su i dalje bičevali, ali imam Ahmed je ostao postojan u čistom vjerovanju. Taj dan on je postao primjer svim pratiocima Sunneta. Al Hasan ibn Arafah je napisao: "Ja sam posjetio Imama Ahmeda ibn Hanbala nakon što je bio bičovan i mučen. Rekao sam mu: "O Ebu Abdullah, Ti si iskušan iskušenjem poslanika!" On je rekao, "Šuti. Uistinu, ja nisam vidio ništa više nego kako ljudi prodaju svoj din. Vidio sam učenjake kako prodaju svoju vjeru. Kada umrem vratiću se Allahu i reći: 'Meni je bilo naređeno da kažem da je Kur'an stvoren, ali ja to nisam htio.' A Uzvišeni Allah će me ili kazniti ili mi oprostiti." Arafah je onda pitao: Jesi li ti osjećao bol kad su te bičovali? On reče: «Da, osjetio sam bol do prvih 20 bičeva a onda sam izgubio sav osjećaj (bičevali su ga preko osamdeset puta). Kad je bilo završeno nisam osjećao nikakav bol i taj dan sam klanjao Sabah-namaz stojeći.» Imam Ahmed je klanjao a krv je močila njegovu odjeću. Arafah je počeo plakati kad je čuo šta se desilo. Imam Ahmed ga je pitao: «Zašto plačeš? Ja nisam izgubio svoj din, pa zašto da se onda bojim da izgubim svoj život.» Dok je Imam Ahmed vođen do halife, narod je pokušavao da ga spase mučenja. Njegov student Al-Marrudhi mu je rekao, "O učitelju, Allah kaže, «Ne ubijajte se.» Imam Ahmad je odgovorio, "O Marrudhi, izađi napolje i kaži mi šta vidiš." Student je izišao do zida halifatskog suda i vidio more studenata sa svojim olovkama i papirima u njihovim rukama. Al-Marrudhi je pitao neke od njih, "Šta vi ovdje čekate?" Oni su rekli, "Mi čekamo da vidimo šta će imam Ahmad reći pa da to zapišemo." Al-Marrudhi se vratio Imamu Ahmedu i rekao mu šta je vidio. "O Marrudhi," reče on, "Šta ću ja dobiti ako zavedem sve ove ljude?" Imam Ahmad je živio život u siromaštvu. Prenosi Ibn Kesir da imam Ahmed u jednom periodu nije imao ništa od hrane u svojoj kući, tako da nije ništa jeo tri dana. Nakon njegovog oslobođanja - iako je bio iscrpljen od mučenja - i dalje je danonoćno ibadetio Allahu subhanehu ve te'ala. Njegov sin Abdullah ga je jedan dan upitao: "Oče moj, hoćeš li se ikada odmoriti? "Njegov otac, jedan od najvećih oživljača i zaštitnika Sunneta, primjer za sve muslimane, pogledao ga je u oči i rekao, "Sine moj, odmor pravog muslimana počinje tek sa prvim korakom u džennet!!"

Krvave kandže kolonijalističkih sila

Piše Ishak Ahmetović



74. godine po Hidžri uveden je muslimanski novac. Osnovne su bile dvije kovanice: zlatni dinar i srebrni dirham. Male kovanice od bakra su nazivali Fulusima.



*"Strpljivost je
za vjerovanje
ono što je
glava za tijelo.
Kada se glava
otkine, tijelo
umire"*

**Ali ibn Ebi Talib
radijallahu anhum**

Svako ko i malo sagleda tada okupirale Istanbul situaciju muslimana i islama (Konstantinopol ili Carigrad) u svijetu ne može biti i veliki dio maloazijske zadovoljan. Ako bi se samo Turske. Sultan je bio u osvrnuli na arapske zemlje vidjeli bismo zaostalost muslimana, nedovoljnu prosvjećenost, ugledanje na Zapad i slijeđenje (prihvaćanje) svega sa Zapada bez pravljenja razlike između dobrog i lošeg. Međutim, što je uzrok zaostalosti muslimana kad islam posebno stavlja akcenat na

prosvjetu, znanje? Zašto su arapske zemlje zaostale kada su bile nosioci napretka, prosvjete i kulture? Da bi došli do odgovora na to pitanje možda bi bilo dobro da se osvrnemo na situaciju u islamskom svijetu (posebno arapskim državama) u ne tako davnoj prošlosti koja i dan danas utiče na arapske zemlje.

Šta se dešavalo 1920. godine?

Mirovnim ugovorom 1920. godine pobijedena je Turska. Ona gubi brojne zemlje kojima je vjekovima vladala kao što su S. Arabija, Sirija, Palestina i dr. Sile Atante su

protiv njih, ali nisu bili u stanju da išta promjene.

Arapski svijet

Da bi se slična situacija stvorila i u arapskom svijetu mlađem naraštaju se pruža mogućnost školovanja na zapadnim fakultetima, prvenstveno mogućnost studiranja društveno političkih nauka. Sile Antante su u prvom

svjetskom ratu iskoristile nacionalno osjećanje za borbu protiv Turskog Carstva i Njemačke. Oni su Arapima obećali slobodu nakon rata i jedinstvo arapskog svijeta. Koliko će se držati svojih obećanja datih Arapima dovoljno kazuje to da su oni

umjesto ispunjenja obećanja podijelili njihove zemlje između sebe i pretvorile ih u kolonije. Tada je oko polovina stanovništva ostalo bez stalnog zaposlenja. Nepismenih je bilo 80%-90%. Smrtnost je bila velika. Takvo stanje je rodilo ogorčenost i mržnju. Ogorčenje i pobuna protiv imperijalističkih sila prvo se javljaju u Egiptu, najrazvijenijoj arapskoj zemlji. Nakon mnogo demonstracija, štrajkova, napada na vozove s britanskim trupama i drugog, Britanci su prisiljeni da 1922. godine proglase nezavisnost Egipta, s tim da su u njemu



zadržali svoje baze, Suetski kanal, pravo šticećenja interesa stranaca i manjina. Međutim, Egipćani nastavljaju svoju borbu za punu nezavisnost koju će dobiti kasnije. Na Bliskom i Srednjem istoku Britanci su se koristili plemenskim, dinastičkim i vjerskim suprotnostima, da bi uz pomoć vojske i avijacije nametnuli svoju vlast. Irak i Transjordaniju pretvaraju u zavisne kraljevine. Te su zemlje za imperijaliste bile važne i u privrednom, i u saobraćajnom i u strateškom pogledu. U Iraku su iskorištavali bogata nalazišta nafte. Iračka petrolejska kompanija s britanskim kapitalom bila je u stvari država u državi. Postavljenom kralju plaćala je nadokandu za svaku proizvedenu tonu nafte, ali sve što je htjela uvozila je i izvozila bez carina i po svojoj volji uređivala luke, puteve i željeznice. Upošljavala je jedva tristoti dio domaćeg stanovništva i to na kopanju zemlje, čuvanju cjevi i drugim nekvalifikovanim poslovima.

Narodne mase, ne samo da nisu imale koristi od prirodnog bogatstva svoje zemlje, već su naprotiv živjele u velikoj bijedi i neznanju.

U Siriji i Libanu Francuzi uvode svoju vlast

Što se tiče Palestine, tamo je uveden poseban razdor i zabuna. Tome treba zahvaliti



Britancima, koji su tamošnjim Arapima obećali slobodu, a židovima da će im dati da osnuju svoju državu. Progonjeni u mnogim evropskim državama, židovi na temelju tog obećanja doseljavaju nakon drugog svjetskog rata u Palestinu iz svih krajeva svijeta i počinju protjerivati, ubijati i mučiti tamošnje muslimansko

stanovništvo, uz bogatu pomoć zapadnih država. Možda ne bi bilo loše posjetiti se da i danas te zemlje pomažu Izrael. Tako SAD i druge države izdvajaju ogromne svote novca za Izrael u navodnoj "borbi protiv terorizma i muslimanskih fundamentalista", što bi u prevodu značilo daljne progone, mučenja i ubijanja muslimanskog stanovništva. Palestina je bila razdirana neprestanim borbama između židova i Arapa, jer su židovi radili i rade još uvijek na stvaranju vlastite države, a Arapi su se tome krvavo opirali. Ta borba između nenaoružanog arapskog stanovništva, čije jedino oružje predstavlja kamenje, te izraelske vojske koja je naoružana najsavremenijim američkim naoružanjem potrajat će i do dan danas. Duboki tragovi, koje su ostavile krvave kandže kolonijalističkih sila tada, vidljivi su i danas. Oni koji su te tragove urezali, ne dopuštaju im da zacjele, već ih uvijek nanovo otvaraju.

Jedan od selefa je govorio: «Budite strpljivi! Ovaj svijet traje nekoliko dana, a vi ste karavan koji je zastao da se odmori. Svakog časa neki od vas će biti zovnut, pa će krenuti ne osvrćući se. Vi ste već oplakani. Smrt je neminovna, a Allah van očekuje. Ove će duše izaći kao što je opisano na kraju sure El-Vakia»

Vidi djelo 'Knjiga uputa' Ibn Qajjim El-Džewzije, strana 355

Rekao je Allahov Poslanik, sallallahu alejhi ve selleme: "Doći će vrijeme kada ćete pedalj po pedalj, aršin po aršin, slijediti postupke onih koji su bili prije vas. Ako bi se oni zavukli i u gušteriju rupu, vi bi krenuli za njima." Allahov Poslaniče, - upitali smo - odnosi li se to na jevreje i kršćane? "A na koga bi drugo, nego na njih," - odgovori on.

(Buharija i Muslim)



Zbog čega ljudi ne slijede Allahov zakon?

Šejh Muhammed El-Munadždžid

PITANJE: Allah je objavio Knjige i slao poslanike, da bi ljudima pokazali pravi put, jer taj put vodi u dobročinstvo, pravdu, sreću. Ali u stvarnosti, mi ne vidimo da taj zakon postiže svoj cilj, izuzev kratkih perioda historije. Kako vjernici mogu vjerovati u te vrijednosti, koje su kao čuda i ne postoje na zemlji osim u vrijeme Poslanika, sallallahu alejhi ve sellem i ashaba.

ODGOVOR: Hvala Allahu. Prije svega, htjeli bi da te podsjetimo na jednu važnu stvar, savjet, koji je dao šejhul Islam ibn Tejmija, svome učeniku ibn Kajimu, kad kaže u Miftaah Daar al-Sa'aadah, 1/140: Ibn Kajjim kaže: Rekao mi je šejhul Islam - kad sam ga pitao pitanje za pitanjem: "Ne daj da ti srce bude kao spužva koja kupi svaku ideju i sumnjiv dokaz, koji ti padne na pamet, već radije gledaj da bude kao staklo koje propušta sumnjive ideje i dokaze ali ih ne zadržava, jer inače će se sve te sumnjive ideje i dokazi nastaniti u tvom srcu i preplaviće ga." Ja ne znam da sam se okoristio nekim drugim savjetom od ovoga, u vezi borbe protiv sumnji i raznih ideja. Znaj, Allah ti se smilovao, da je uzrok slanja poslanika bila uputa ljudi na obožavanje Allaha, tako da imaju dokaz protiv sebe. Poslanik, s.a.v.s., nije bio zadužen za ubacivanje imana u srca ljudi, kao što kaže Allah u prevodu značenja: **Tvoje je da opominješ a svaki narod je imao onoga koji ga je na pravi put upućivao.** (13;7). I kaže Allah u prevodu značenja: **Reci: Ja samo opominjem, nema boga osim Allaha, Jedinog i Moćnog.** (38;65). To je doista pouka, i ko hoće, put ka Gospodaru svome će izabrati. (73;19). I reci: **Istina dolazi od Gospodara vašeg, pa ko hoće nek vjeruje a ko hoće nek ne vjeruje.** (18;29). Zar ćeš ti sebe uništiti zato što ovi neće da postanu vjernici? (26;3). **Da Gospodar Tvoj hoće, na zemlji bi doista bili svi vjernici. Pa zašto onda ti da nagoniš ljude da budu vjernici?** (10;99). **A većina ljudi, ma koliko ti želio, neće biti vjernici.** (12;103). Allah je odredio da će neki sinovi Adamovi biti vjernici a neki ne. Kaže Allah u prevodu značenja: **On vas stvara pa ste ili nevjernici ili vjernici.** (64;2). Prenosi se da je Abu Said al Hudri rekao: Kaže Poslanik, alejhisselam, : Allah će reći na Sudnjem danu: O Ademe! A on će reći: Ovjde sam, naš Gospodaru. Zatim će glas pozvati: Allah naređuje da izvedete one od potomaka koji će biti bačeni u Vatru. On će reći: Ko su ti što će se baciti u Vatru? On će reći: Od svake hiljade - 999. Ovo je potreslo ljude pa se to na njima moglo primjetiti. Zatim reče Poslanik, alejhisselam, : Iz Jedžudža i Medžudža 999 a od vas 1. Među ljudima, vi ste kao crne dlake na bijelom

biku, ili kao bjele dlake na crnom biku. Ja se nadam da ćete biti jedna četvrtina Dženneta. Mi rekosmo: Allahu akbar. Našto on reče: Jedna trećina Dženneta. Mi rekosmo: Allahu akbar. Našto on reče: Jedna polovina dženneta. Našto rekosmo: Allahu akbar. (Buharija, 4741 i Muslim 222) Poslanik, alejhisselam, nas je obavijestio da je islam počeo kao nešto neobično, strano, i da će se vratiti na to kao što je i počeo. Prenosi Muslim u svom Sahihu, 145, od Ebu Hurejre: Kaže Poslanik, alejhisselam, : Islam je počeo kao nešto strano i vратиće se na to kao što je i počeo, pa obraduj one koji su strani, neobični. I Poslanik, alejhisselam, nas je obavjestio o poslanicima prije njega, koje su slijedili samo nekolicina, kao što se prenosi u hadisu kod Muslima, 5705 od ibn Abbasa: Kaže Poslanik, alejhisselam, Pokazani su mi narodi i jedan ili dva poslanika su došla sa malim brojem sljedbenika, i poslanik bez ijednog sljedbenika. Zatim mi je pokazana velika skupina, pa sam upitao: Šta je ovo, jeli ovo moj ummet? Pa mi je rečeno: Ne, to je Musa i njegov narod. Zatim mi je rečeno: Pogledaj



na horizont. I vidio sam skupinu koja pokriva horizont. Zatim mi bi rečeno: Pogledaj tamo i tamo na horizont. I vidio sam da je sav horizont ispunjen. Pa mi bi rečeno: To je tvoj ummet, a 70 000 od njih će ući u džennet bez polaganja računa. Treba napomenuti, da vrijednosti koje su čiste se ne slijede od većine ljudi. Većina ljudi, u svakom vremenu ili mjestu, bilo koje boje ili klase - izuzev onih kojima se Allah smiluje - ne slijede svoje dobre

instinkte, niti naredbe Allaha, što neznači da naredbe nisu dobre. Razlog tome je to što je Allah stvorio ljudsku dušu i učinio od njenih glavnih osobina nepravdu i nepoznavanje, kao što Allah kaže o čovjeku, a On ga najbolje poznaje, u prevodu značenja: A on je zaista prema sebi nepravedan i lakomislen. (33;72). Duša svjesno čini stvari koje joj štete zbog svoje urođene nepravde i nepoznavanja. Za sve muslimane koji se drže islama, sura Asr je dovoljna, sura za koju imam Šafija kaže: Da Allah svome robu nije objavio ni jednu drugu suru osim ove, bilo bi im dovoljno. Kaže Allah u prevodu ove sure: **Tako mi vremena, zaista je čovjek na gubitku. Osim onih koji vjeruju i čine dobra djela, i jedni drugima preporučuju istinu i jedni drugima preporučuju sabr** (103;1-3). Svako stvorenje je na gubitku, osim onih koji ispune ove uvjete. Molimo Allaha da nas učvrsti na pravom putu. Amin.

Šta se dešava poslije smrti

Imami Ahmed od el-Beraa ibn Aziba, radijallahu anhu, navodi da je rekao: "Zajedno sa Allahovim Poslanikom, alejhisselam, otišli smo na dženazu jednom Ensariji i došli do groba. Kada je umrli zakopan Allahov Poslanik, alejhisselam, je sjeo pa smo i mi oko njega posjedali. Izgledali smo potišteno, kao da nam je na glavama ptica. On je (tj. Poslanik) u svojoj ruci držao šipku kojom je čeprkao po zemlji. Zatim je podigao glavu i rekao: 'Zamolite Allaha, dva ili tri puta, da vas sačuva od kaburske patnje! Zatim je rekao: 'Kada se robu vjerniku približi rastanak sa ovim svijetom i otvori put za onaj svijet, sa neba se spuste meleki, bijelih lica poput sunca, noseći sa sobom za njega džennetske ćefine i balzam i sjednu nadomak njegova vida. Zatim dođe Melek smrti, sjedne pored njegove glave i pozove: 'O smirena dušo, izadi (iz tijela) i udi u Allahov oprost i zadovoljstvo! - pa počne izlaziti, cureći poput kapi na otvoru mješine za vodu. Zatim je uzme, a kada je uzme, ni koliko je treptaj oka ne ostave je u njegovoj ruci, dok je ne uzmu i ne stave u te ćefine i taj balzam, a kada je stave, iz nje izade prijatan miris, poput najljepšeg mirisa mošusa na



cijeloj Zemlji. Zatim se sa njom počnu dizati. Kada tako sa njom naiđu, ne prođu ni pored jedne grupe meleka, a da ne upitaju: 'Kakav je ovo lijep miris?' - pa im odgovore: 'Miris toga i toga', prozivajući ga najljepšim imenima kojima su ga zvali dok je bio na ovom svijetu. I tako sve, dok ne dođu do nama najbližeg neba, gdje zatraže da mu se otvore vrata, pa se otvore. Odatle ga od jednog do drugog neba ispraćaju najodabraniji stanovnici, sve dok tako ne dođe do sedmog neba, gdje Uzvišeni Allah rekne: 'Zapišite Knjigu Moga roba u Illijun, i vratite ga u zemlju, jer Ja sam ih od nje stvorio, u nju ću ih vratiti, i iz nje ću ih ponovi izvesti.' On (Poslanik) je dalje rekao: "Pa će mu se duša ponovo vratiti. Zatim će mu doći dva meleka i upitati ga: 'Ko je tvoj Gospodar?' - pa će odgovoriti: 'Moj Gospodar je Allah.' Zatim će ga upitati: 'Koja je tvoja vjera?' - pa će odgovoriti: 'Moja vjera je Islam.' Zatim će ga upitati: 'Ko je ovaj čovjek koji vam je poslan?' - pa će odgovoriti: 'On je Allahov Poslanik, sallallahu alejhi ve sellem' Zatim će ga upitati: 'Šta je tvoje znanje?' - pa će odgovoriti: 'Čitao sam Knjigu Uzvišenog Allaha, pa sam povjerovao i potvrdio da je tačno (sve što u njoj piše).' Zatim će sa neba glas povikati: 'Istinu je rekao Moj rob, pa mu prostrite prostirku u Džennetu, obucite mu Džennetsku odjeću i otvorite mu Džennetsku kapiju, pa će do njega doprijeti zadah i miris iz Dženneta i proširiti mu se kabur dokle god mu pogled doseže.' On (tj. Poslanik) je nadalje rekao: "Zatim će mu doći jedan čovjek lijepa lica, u lijepoj odjeći i sa ugodnim mirisom i reći mu: 'Donosim ti radosnu vijest; ovo je onaj dan koji ti je obećavan.' - pa će ga

upitati: 'Ko si ti? Tvoje lice najavljuje samo dobro! 'Na to će mu odgovoriti: 'Ja sam tvoje dobro djelo.' - pa će na to povikati: 'Gospodaru, požuri sa Sudnjim danom! Gospodaru, požuri sa Sudnjim Danom!' On (Poslanik) je zatim rekao: "Kada se robu nevjerniku približi rastanak sa ovim svijetom i otvori put za onaj svijet, sa neba se spuste meleki crnih lica, noseći sa sobom kostrijetno sukno, i sjednu nadomak njegova vida. Zatim dođe Melek smrti, sjedne pored njegove glave i pozove: 'O zla dušo, izadi (iz tijela) i udi u Allahovu srdžbu i gnjev!' On (Poslanik) je nadalje rekao: "Zatim se ona po tijelu razide, pa je počne čupati kao što se čupa trn iz mokre vune. Zatim je uzme, a kada je uzme, ni koliko je treptaj oka ne ostave u njegovoj ruci, dok je ne stave u to kostretno sukno. Tada iz nje izade odvratni smrad kao od najpokvarenije lešine na cijeloj Zemlji. Zatim se sa njom

počnu dizati. Kada tako sa njom naiđu, ne prođu ni pored jedne skupine meleka, a da ne upitaju: 'Kakav je ovo odvratni smrad?' - pa im odgovore: 'Smrad toga i toga', prozivajući ga najružnijim imenima kojima su ga zvali dok je bio na ovom svijetu, i tako sve dok sa njom ne dođu do nama najbližeg neba, gdje

zatraže da se otvore vrata, pa se ne otvore." Zatim je Allahov Poslanik, alejhisselam, izgovorio riječi Uzvišenog: **Kapije nebeske neće se otvoriti, i prije će debelo uže kroz iglene uši proći nego što će oni u Džennet ući.** (El-A'raf 40). Zatim će Uzvišeni Allah reći: "Zapišite knjigu njegovu u Sidždžinu na dnu Zemlje!" Zatim će njegova duša odatle biti bačena. Potom je on (Poslanik) citirao: **A onaj ko bude smatrao da Allahu ima iko ravan - biće kao onaj koji je s neba pao i koga su ptice razgrabile, ili kao onaj kojeg je vjetar u daleki predio odnio.** (El-Hadždž, 31) Zatim će se duša njegova ponovo u njegovo tijelo vratiti. Zatim će mu doći dva meleka, sjesti pored njega i upitati ga: "Ko je tvoj Gospodar?" - pa će reći: "Ha! Ha! Ne znam!" Zatim će ga upitati: "Koja je tvoja vjera?" - pa će reći: "Ha! Ha! Ne znam!" Zatim će ga upitati: "Ko je ovaj čovjek koji vam je poslan?" - pa se neće moći sjetiti njegova imena, te će mu biti rečeno: "Muhammed"- pa će, opet, reći: "Ha! Ha! Ne znam!" Zatim će sa neba neki glas povikati: "Laže Moj rob, pa mu prostrite prostirku od vatre i otvorite mu vrata Džehennema, pa će do njega dospjeti vrućina i užarenost vatre, a grob mu se još više stisnuti, da će mu se rebra sapsleći. Zatim će mu doći jedan čovjek u ružnoj odjeći i sa ružnim zadahom i reći mu: "Donosim ti zlu vijest: 'Ovo je onaj dan kojim ti je prijetito.' - pa će ga upitati: "Ko si ti? Tvoje lice najavljuje samo zlo." Na to će mu odgovoriti: "Ja sam tvoje zlodjelo." - pa će reći: "Gospodaru, nemoj da nastupi Sudnji Dan!" Bilježi imam Ahmed


Savjeti za uspijeh u braku

Piše da'ija Sedin Gulamić

Kada se govori o bračnim obavezama i pravima, uglavnom se misli na supruge i traži da one izvrše svoje obaveze, dok su rijetka obraćanja muškarcima, kako bismo saznali prava koja imaju njihove supruge. Povodeći se za hadisom Allahova Poslanika sallallahu alejhi ve sellem: "Najbolji među vama su oni koji su najbolji prema svojoj porodici, a ja sam najbolji prema svojoj", predočavamo bračnim drugovima muslimanima neke savjete, koji će im pomoći da ostvare ovo dobro i da se oživi Allahova naredba: "Sa njima (ženama) lijepo postupajte (živite)." (Sura En-Nisa:19)

Savjeti za braću

1. Bogobojaznost u svakom pogledu, a posebno u ophođenju sa porodicom. 2. Stalno podsjećanje na to da je lijepo ophođenje sa porodicom način da se približi Uzvišenom Allahu. 3. Međusobno potpomaganje sa suprugom u pokornosti Allahu dž. š.; da muž podstiče suprugu da učestvuje sa njim u da'vi, kako bi na tom putu žrtvovala neka svoja prava. 4. Okititi se nekim istinski dobrim svojstvima kao što su: istinoljubivost, povjerljivost, lijepo ophođenje i podnošenje (prihvatanje) odgovornosti. 5. Istinsko razumijevanje skrbništva kroz lijepo ophođenje, prihvatanje odgovornosti, pažnje, nježnosti, a ne kao vladavinu i totalnu dominaciju. 6. Čuvanje suprugine tajne (bračne tajne). 7. Ljubomora je pohvalna bez lošeg mišljenja i istraživanja negativnosti. 8. Odvoji dio vremena da sjedneš sa svojom suprugom radi razgovora, razonode, šale, zabave, bez obzira koliko bio zaposlen. 9. Dozivaj je najdražim joj imenima, razgovaraj sa njom nježno i prijatno. 10. Otkrivaj joj ono što ti se kod nje sviđa, hvali njenu ljepotu i skladnost prilikom spravljanja hrane, kao i u svakoj drugoj prilici. 11. Ne propusti priliku da je ljupko pogledaš, osobito u nekim prilikama. 12. Postupaj sa njom uvijek blago i nježno, a svoje zahtjeve formuliši kao prijedloge, a ne kao naredbe. 13. Ne smatraj da je napuštanje dostojanstva jedna vrsta zabave jer će to prouzrokovati formiranje ružnih osjećaja. 14. Razgovaraj sa suprugom o svojim željama i planovima, traži njeno mišljenje i prihvati ga, te saobraćaj se sa njom kao sa svojom životnom saputnicom. 15. Ukaži joj puno povjerenje i povjeri joj tajne. 16. Pohvali je i cijeni sve što učini za tebe, bez obzira koliko malo bilo, pa iako si na to



već navikao. 17. Obrati posebnu pažnju na njen život, njenu ličnost i daj joj do znanja da je ona u središtu tvoje pažnje, a ne na margini tvojih misli. 18. Ne propusti priliku da joj se pridružiš u šetnji ili izletu. 19. Izvini joj se kada budeš ubijeđen da si pogriješio, kako bi tvoje izvinjenje bilo u duhu razumijevanja a ne jadanja. 20. Uljepšaj se svojoj ženi kao što se ona uljepšava tebi. 21. Budi na njoj strani sa naklonošću i milošću, pogotovo kada ima zdravstvenih problema. 22. Ne zaboravi ono što traži da donese iz grada, bez obzira koliko to bilo neznatno. 23. Budi blag u razgovoru i raspravi sa njom, prikloni se ispravnom mišljenju makar se sukobljavalo sa tvojim mišljenjem. 24. Stalno sa njom kontaktiraj (telefonom)

kada si odsutan, na putu. 25. Uputi joj osmijeh pun ljubavi, osjećaj velikodušnosti prilikom susreta sa njom nakon odsustva. 26. Osmijehni se kada ulaziš u kuću, a ne mrgodi se, s tim što ćeš svoj dolazak najaviti zvonom ili telefonom. Izlivom ljubavi i naklonosti i širi atmosferu ushićenja i radosti u kući. 27. Voditi računa o njenim duševnim i tjelesnim stanjima u vrijeme hajza, trudnoće, nakon rađanja; prema njoj se odnositi blago i sa osjećanjem, uz strpljivost. 28. Nemoj zanemariti činjenicu da je pokatkad spopadnu osjećaji bola i tjeskobe, nego nastoj da što prije saznaš uzroke i probaj da to prevladaš ljubavlju i iskrenim nijjetom. 29. Postupaj mudro i s umijećem u situacijama kada su žena i majka zajedno, tako da budeš faktor njihovog zbližavanja, a ne obrnuto. 30. Ne kritikuj ženu, osobito pred drugim, već upotrijebi blagost da bi došao do onoga što želiš. 31. Ne kritikuj njen način pripremanja jela i uređenja stana i nemoj je porediti sa nekom drugom (svojom majkom, svojom sestrom, suprugom prijatelja i ostalim ženama). 32. Poštuj punca i punicu i smatraj ih za svoje roditelje. 33. Obrati pažnju na njenu porodicu, njene prijateljice i svima im čast ukaži. 34. Proučavaj međusobne probleme, ali razumno i mudro, oprezno i promišljeno. 35. Nastoj da se vaši problemi uvijek rješavaju unutar kuće, a ako si prinuđen da potražiš savjet, onda to čini u najvećoj nuždi. Ne žali se nikom na nju, pa ni njoj porodici. 36. Nemoj se uplitati roditeljima, puncu i punici u bračne probleme, jer oni su neobično pristrasni prema sinu ili kćerki i probaj

da se među vas ulazi sa ljubavlju i samilosti. **37.** Izbjegavaj emocije, srdžbu za najsitnije stvari, a emocije uskladi sa datom situacijom, tako da budu pomoć, a ne obrnuto. **38.** Uvažavaj suprugin poredak stvari u kući i uskladi prema tome svoje zahtjeve (da ne primaš goste kada ona čisti ili sređuje kuću). **39.** Traži da joj pomogneš u njenim obavezama ako ti to vrijeme dozvoljava, bez obzira o kakvoj se vrsti pomoći radilo: da sjednes sa djecom, zabavljajući ih, ili joj pomogneš u teškim poslovima, kupovini, popravci, nošenju tereta, kao što je namještaj itd. **40.** Kada dođu gosti tvojoj supruzi, nastoj, skladno svojim mogućnostima, da joj pomogneš u posluživanju, tako da joj daš više prilike da sjedne sa gostima.

Savjeti za sestre


1. Činite dovu Uzvišenom Allahu da učini vašu udaju i vezu uspješnim. Sve dobro je od Allaha. Nikada ne zaboravite tražiti od Uzvišenog Allaha za blagoslov uspješnog bračnog života, koji počinje na dunjaluku a završava, Allahovom milošću - u Džennetu. **2.** Slušajte i pokoravajte se! Pokoravati se mužu, jeste fard-farz. Vaš muž jeste vođa u kući. Podajte mu to pravo i poštovanje. **3.** Uvijek pokušajte da uveseljavate svoga muža, kod njega je vaš ključ za Džennet. Allahov Poslanik sallallahu alejhi ve sellem nas je podučio da koja god žena umre, a njen muž zadovoljan s njom, ući će u Džennet. Zato ...udovoljite mu.

4. Svađa je vatra u kući. Ugasi je sa jednostavnim 'žao mi je', 'halali mi' iako to ne bila tvoja greška. Uzvratite li sa svađom, samo dodajete drva na vatru. Pogledajte kako će se slatko završiti svađja, kada iskreno kažete "Čuj, izvinjavam se, budimo prijatelji.", "Halali mi, volim te", a ne kontrirati sa svađom. **5.** Zahvaljujte se mužu neprestano na lijepim stvarima koje čini. Zatim mu se zahvalite nanovo. Ovo je jedna od najvažnijih tehnika. **6.** Šali se i igray se sa njim. Tajna muškaraca je: Traže ženu otvorenog srca i sa smislom za humor. Kao što je Resul s.a.v.s. rekao Džabiru r.a., da se oženi onom, koja će ga nasmijati i koju će on nasmijati... **7.** Uvijek nosi nakit i oblači se lijepo u kući. Od još ranijih godina, male djevojčice se kite mindjušicama i narukvicama i oblače lijepe haljinice - kao što je opisano u Kur'anu. Kao supruga, nastavi da nosiš nakit koji imaš i lijepu odjeću za svoga muža. **8.** Preispitaj karakteristike 'Hurul Ajn' i pokušaj da ih imitiraš

kako ih Kur'an i Sunnet opisuje, kao žene Dženneta, sa izvjesnim karakteristikama. Tako one nose svilu, imaju krupne crne oči, pjevaju svojim muževima, itd. Pokušaj to, obuci svilu svome mužu, stavi surmu u oči da ih 'uvečas', i pjevajte im. **9.** Kada vaš muž dođe domu, pozdravite ga sa veličanstvenim pozdravom. Zamislite, vaš muž dolazi kući u čiste odaje, sjajno obučenoj supruzi, ručak spremljen s velikom pažnjom, djeca čista i slatko se smiju, čista spavaća soba - kako će ovo uticati na njegovu ljubav prema tebi? Sada zamislite šta će učiniti suprotnost. **10.** Koristite 'Fitnah' da pridobijete srce svoga supruga. Svaka žena ima ljepotu s kojim ju je Allah okitio. Koristite ljepotu kojom vas je Allah `azze we dželle okitio da osvojite srce svoga supruga.

Zajednički savjeti

Najbolji savjet za oba bračna druga jeste, da traže



Abdullah ibn 'Amr ibn As
radiallahu anhu prenosi da je
Allahov Poslanik sallallahu alejhi
ve selleme rekao: Ovaj svijet je
samo (prolazan) užitak, a najbolje
u njemu je dobra (čedna i
odgojena) žena.

Muslim

Allahovo zadovoljstvo u svakim svojim postupcima. Da gledaju šta će Allah reći za naše postupke, kako sa svojom porodicom, tako i sa drugim Allahovim stvorenjima. Jer smo stvoreni da mu ibadet činimo, pa zar nije od ibadeta lijep ahlak. Allahov Poslanik sallallahu alejhi ve sellem kaže: "...najviše što ljude uvodi u Džennet jeste bogobožnost i lijep ahlak...!

Budi iskren prema Allahu i neka svako tvoje djelo bude u pokornost samo njemu. Tvoj osmeh je u ime Njega, tvoja sadaka je u ime Njega, tvoj selam je u ime Njega, tvoja svaka riječ je u ime Njega, jer ćemo odgovarati Allahu za svaku riječ. Pa pripremite odgovore o vi smrtnici koji svakog momenta možete umrijeti.

Molim Allaha da popravi naše stanje.

Otkrila sam istinu

Amina Assilmi

Pri kraju mog studija na Univerzitetu Oklahoma prvi put sam došla u kontakt sa muslimanima. Bila sam dobar student i dobila sam na Univezitetu mnoge nagrade. Uz studiranje sam i radila u jednoj firmi. Okruživalo me je mnoštvo prijatelja. U zadnjem semestru završne godine, morala sam pratiti časove teatra. Bila sam i suviše stidna da nastupam pred mnoštvom ljudi. Uplašila sam se i nisam znala šta da radim. Moj muž je bio uvijek smiren i pomagao bih mi pri donošenju odluka jer sam često bila i suviše nesigurna da donesem neke bitne odluke. Predložio mi je da popričam sa profesorom i da mu objasnim problem. Profesor mi je rekao da će vidjeti šta može učiniti. U iščekivanju njegovog odgovora odlučila sam da ipak odem na prvo predavanje. Ušavši u učionicu bila sam zaprepaštena; u učionici je naime sjedilo nekoliko Arapa, koje sam tada pogrdno zvala «čuvari kamila.» Nikada do tada nisam bila tako blizu muslimanima. Osjećala

sam se vrlo neugodno u njihovom prisustvu, kao da oni boluju od neke strašne zarazne bolesti. Osjećala se neka napetost u zraku. Kad sam sve to ispričala svom mužu on je smireno reagovao. Podsjetio me je na to kako ja uvijek i sama govorim da Bog sve radi sa razlogom i da dobro razmislim prije nego što donesem definitivnu odluku. Profesor me nije uspio prebaciti u drugi razred a ja se nisam usuđivala da izostajem sa časova. Htjela sam po svaku cijenu tu diplomu. Sljedeća dva dana sam se molila Bogu da mi pomogne. Na sljedeći čas sam otišla sa ubjeđenjem da je mene Bog poslao na te časove da spasim te Arapske pastire od Pakla. Počeli smo diskutovati o vjeri pa sam to iskoristila da bi im objasnila kako trebaju prihvatiti Kršćanstvo i Isusa kao svog izbavitelja. Čudno, ali su se ti muslimani ponašali vrlo uljudno. Nisam to očekivala. Imala sam totalno drugu sliku o njima. Onda sam im objašnjavala da Isus njih voli i da je on umro na krstu da bih njih spasio njihovih zlih djela. Oni su bili još uvijek vrlo ljubazni ali su mi ukazali da oni vjeruju u Allaha i da slijede Njegovu objavu zvanu Kur'an. Ta njihova odlučnost me je vrlo zainteresovala, pa sam zatražila od njih da mi daju Kur'an u nadi da ću naći proturječnosti, kako bi im poslije toga mogla reći da njihova vjera pogrešna. Jedan od studenata mi je dao Kur'an i još jednu knjigu o Islamu. Počela sam sa svojom detaljnom istragom s ubjeđenjem da ću brzo naći dokaze neispravnosti u Kur'anu, te da ću ih ubijediti da postanu Kršćani. Što sam više čitala sve sam više dobijala želju da se više udubim u Kur'an i islam. Pročitale sam Kur'an, ali nisam našla niti jedne jedine proturječnosti. Zatim sam pročitale još petnaeset

Prilikom razvodne parnice sud je odlučio da je moja "ortodoksna" religija opasnost za odgoj naše djece. Postavljen mi je sledeći uslov: ili napuštanje islama ili djeca pripadaju mužu.

knjiga od kojih i Muslimovu zbirku hadisa. Bila sam sve više zbunjena. Onda sam vratila na čitanje Kur'anu. Moja slika islama i muslimana se drastično mijenjala, ali u meni je još uvijek živjela ideja da ću ipak ja biti ta koja će preokrenuti muslimane. U tom vremenu sam počeli problemi u braku. Počela sam se mijenjati, a da to nisam ni sama uočavala. Nisam više bila zainteresovana u odlaske u kafane i kafiće. Sve sam više šutjela, razmišljala o islamu i udaljavala se od svog muža. Te moje promjene su bile dovoljne da ga iritiram. Bio je ubjeđen da ga varam pa su nastale strašne svađe. Naša relacija se toliko pogoršala da sam u jednom momentu odlučila da ga napustim. Sa djecom sam se preselila u drugi stan i tamo nastavila svoju

istragu. Jednog dana sam počela da diskutujem sa dva muslimana. Jedan od njih je nosio islamsku nošnju, dugu haljinu sa turbanom na glavi. Pitao me je kada ću preći na islam. Bez razmišljanja sam odgovorila da to ne želim jer sam Kršćanka, ali sam htjela da mu postavim nekoliko pitanja. Njegovo ime je bilo Abdel Aziz el-Sheich. Rekao je da će probati dati odgovor na moja pitanja. Bio je jako strpljiv i odgovarao mi je na svako moje pitanje. Ni u jednom trenutku mi nije dao osjećaj da je neko moje pitanje glupo. Pitao me je da li vjerujem da nema drugog Boga osim Jedinog Istinskog Boga - Allaha - a ja sam rekla 'Da!'. Zatim me je pitao da li ja vjerujem da je Muhammed sallallahu alejhi ve sellem Allahov Poslanik a ja sam opet rekla 'Da!'. Zatim je uzviknuo «Allahu Eqber, pa ti si postala muslimanka!» Ja sam im, i pored svog svjedočenja, rekla da ostajem kršćanka i dodala da želim bolje da razumijem islam. U tom momentu me je obuzeo strah a razne misli su kolale po mojoj glavi "Ja nikad nemogu biti muslimanka! Pa ja sam Amerikanka! Šta bi rekao moj muž, moja djeca, moja porodica i moje kolege!" Nastavili smo pričati. Objasnio mi je da je znanje vrlo bitno u Islamu. Ostala sam razmišljajući. Nešto kasnije, tog istog popodneva, 21-og maja 1977 sam napokon rekla ono što osjećam u svojoj duši i priznala da mi je islam ispunio srce. Izgovorila sam šehadet; govoreći **"Svjedočim da nema Boga osim Allaha i da je Muhammed Njegov Poslanik!"** Muslimani oko mene su bili vrlo sretni s mojom spoznajom istine. Iako sam izgovorila šehadet i postala muslimanka nisam još bila spremna da se pokrijem. Bojale sam se da će moj muž zatražiti razvod. Šehadet je bila prva čvrsta stepenica do znanja i približavanja Allahu tebareke ve te'ala. Kako sam sve više upoznavała vjeru sve više sam se mijenjala.

Već u prvoj godini sam nosila hidžab. Nakon nekog vremena sam bila i za poligamiju. Zнала sam da je to Allah dozvolio i da je u tome dobro za ljude. Nisam mogla ni sanjati da će islam toliko promijeniti moj život. Istinsku mir moje duše sam našla tek u islamu. Uzvišeni Allah je Taj koji voli! On je izvor mira! On je Zaštitnik! On prašta! On opskrbu daje! On upravlja svim! On oprašta i čuje molitve. Časni Kur'an daje odgovore na sva životna pitanja i pokazuje na jedini Pravi put. Kaže Uzvišeni: **Zar grudi tvoje nismo prostranim učinili, i breme tvoje s tebe skinuli, koje je pleća tvoja tištilo, i spomen na tebe visoko uzdigli! Ta, zaista, s mukom je i last, zaista, s mukom je i last!** (Sura Al-Inširah 1-6) Moj život je iz tamne zablude ušao Allahovom voljom u svjetlost istine, svjetlost islama. Moj prelazak na islam imao je velike posljedice na moj privatni život. Kada sam svome mužu rekla da sam muslimanka, okrenuo mi je leđa i naš brak se završio razvodom. Razvela sam se od njega iako sam ga puno voljela, ali ljubav za Allaha tebareke ve te'ala je veća. Prilikom razvodne parnice sud je odlučio da je moja 'ortodoksna' religija opasnost za odgoj naše djece. Postavljen mi je sledeći uslov: Ili napuštanje Islama ili djeca pripadaju mužu. Bila sam šokirana njihovim prijedlogom. Izbor je hvala Uzvišenom Allahu bio lahak; odlučila sam se za Allaha i za vjeru. Ne mogu se odreći Allaha! Kad bih se odrekla istine kako bih onda živila, kako bih naučila svoju djecu šta je Pravi put i Allah tebareke ve te'ala. Sudiji sam rekla da ostavljam svoju djecu u rukama Allaha. Napustila sam sudnicu a znala sam da će mi moja djeca mnogo nedostajati. Moje srce je krvarilo. Našla sam utjehu u Kur'anu i kroz Kur'an upoznavanje moga Gospodara. Gubljene djece i razvod nisu bili jedini problemi koje sam imala. I ostala familija nija bila sretna sa mojim prelaskom na islam. Moja majka je bila ubijedena da je to samo trenutna slabost i da će me to proći. Moja sestra je bila ubijedena da sam poludila da me trebaju liječiti u ludnici, dok je moj otac čak govorio kako treba da me ubiju. Za jedan dan sam izgubila svu familiju. Moji prijatelji su mi također okrenuli leđa. Nije ih interesovala moja priča o islamu. Možda nisam imala dovoljno znanje da im objasnim kako je islam lijep. Sa prelaskom na islam sam prestala ići na fešte, u kafiće i nije me više interesovalo flirtovanje sa muškarcima. Poslije toga je na red došao moj posao. Unatoč tome što sam dosta puta bila nagrađena kao dobra radnica, već prvi dan sam dobila otkaz zbog mog dolaska u hižabu. Ostala sam bez familije, prijatelja i posla. Jedina osoba koje me je donekle podržavala bila je moja nena. Pričala sam joj o islamu i Allahovoj milosti te je Allah tebareke ve te'ala dao pa je i ona ubrzo prešla na islam. Nedugo poslije toga je ona preselila. Allah je dao da pred samu smrt izgovori šehadet. Ta misao me puno raduje! Nekoliko godina nisam imala kontakt sa svojom familijom. Jednog jutra zazvonio je telefon. Javila sam se a na liniji je bila moja majka. Bila sam sva sretna.

Tokom našeg razgovora pitala me je: "Šta je ustvari Islam?" Rekla sam joj da je to svjedočenje da nema drugog Boga osim Allaha i da je Muhammed Njegov Poslanik. Zatim je tražila da joj detaljnije objasnim islam a ja sam se potrudila da to što bolje uradim. Moja majka me je jednog dana nazvala i rekla da želi da prihvati islam. Allahu Eqber!!! Poslije toga sam stupila u kontakt sa svojim ocem i svojom sestrom. Nakon naših razgovora o islamu, Allah je dao pa su i njih dvoje prešli na Islam. Allahovom voljom je u narednih nekoliko godina veliki broj mojih rođaka našlo put do islama. Posebno sam bila radosna kad sam čula da je i moj bivši muž izgovorio šehadet. Kad ga je jedan brat musliman upitao zašto je to uradio, rekao je: "Ono što je islam uradio od moje bivše supruge je zaista čudo i ja želim da naša kćerka bude snažna i odlučna poput svoje majke!" Moj muž me je nazvao i tražio halala za sve što mi je uradio. Ja sam njemu to već davno halalila. Dok ovo pišem moj najstariji sin me je nazvao da mi kaže da i on želi postati musliman. SubhanAllah! Moj unutarnji mir je rastao kako je raslo moje znanje o Allahovoj mudrosti. Što sam se više oslanjala na Allaha bila sam sve snažnija. Za svaki korak koji napravim prema Allahu, On napravi deset prema meni. Kako je lijepo to znati! Istina je, Allah me je iskušao, kao što je obećao u svojoj Časnoj Knjizi. Allah me je nagradio sa mnogo više nego što sam se ikada mogla nadati. Prije par godina su mi doktori saopštili da bolujem od raka i da je rak već uzeo maha u mome tijelu. Odmah sam pomislila na svoju djecu, naročito najmlađe. Unatoč svemu nisam bila depresivna, Allah je tako odredio. Svi mi moramo umrijeti. Bol čisti od grijeha. Sjetila sam se jednog mladića koji se zvao Al-Masawi. Umro je od raka kad je imao dvadeset godina. Na smrtnoj postelji se grčio od bolova ali njegovo lice je zračilo ljubav za Allaha. Jedne od zadnjih njegovih riječi bile su "Nadam se da me bol inšaAllah čisti od grijeha." Način na koji je on razmišljao o smrti me je potaklo na razmišljanje. Allahove blagodati su neizmjerne. Oko mene se opet pojavilo mnoštvo prijatelja, poklonjeno mi je da obavim hadž. Vidjela sam da me ljudi iskreno vole, u ime Allaha. Sjetila sam se kazivanja gdje Allah tebareke ve te'ala kaže da kad On zavoli svoga roba, On učini da ga i drugi zavole. Teško mi je sasvim objasniti kako se promijenio moj život. Slava Allahu! Tako sam sretna što sam muslimanka. Islam je moj život. Islam teče mojim venama. Islam je moja snaga. Bez islama sam ništa i kad bih mi Allah okrenuo lice ja bih bila izgubljena. Moj Gospodaru! Oprosti mi grijeha, znane i neznane. Oprosti mi moje greške koje sam svijesno i nesvijesno počinila i koje ću počiniti, koje sam radila u javnosti i koje sam radila u tajnosti. Ti si Taj koji sve može. Amin!!!

El-Asr

Spriječavanje trudnoće - Kontracepcija

Piše Kovačević Almira, studentica medicine, mesdžid Tewhid Beč

O spriječavanju trudnoće-kontracepciji, govorimo onda kada u bilo kojem trenutku prekinemo prirodne reproduktivne procese. Kontracepcijska sredstva možemo podijeliti na više načina. Najpoznatije su slijedeće dvije podjele;

* Prva podjela: 1. prema tome ko ih upotrebljava (žena ili muškarac) 2. prema dužini upotrebe (trajna ili privremena kontracepcijska sredstva) 3. prema sastavu 4. prema djelotvornosti

* Druga podjela bi bila na metode kontracepcije, a one su: 1. opažanje ciklusa 2. spriječavanje kontakata između spermatozoida i ženske jajne ćelije 3. prekidanje normalnog mjesečnog ciklusa (spriječavanje ovulacije) 4. spriječavanje usađivanja oplodene jajne ćelije u maternici

Opažanje ciklusa

1. mjerenjem bazalne temperature

Ono se vrši na slijedeći način: 1. radi se svakim danom tačno u isto vrijeme (ujutro) 2. nakon najmanje 6 sati sna 3. prije ikakve aktivnosti 4. znači i prije ustajanja iz kreveta 5. mjerenje mora biti uvijek na istom mjestu (oralno, vaginalno ili rektalno) 6. mjerenje se mora raditi par mjeseci i popisivati

Svrha ove metode jeste utvrđivanje plodnih dana kod žene. Dan kada nastupa plodnost prepoznaćemo po tom što ćemo primjetiti da nam je tjelesna temperatura povišena za 0,5-1°C.

2. opažanje sluzi koju izlučuje ženski polni organ Ova i prethodna metoda se rade u kombinaciji. Ako je sluz koja je izlučena elastična i prozirne boje, to znači da je jajna ćelija pred sazrijevanje ili je eventualno sazrijela, znači, plodni su dani. A ako je izlučena sluz bijela i neelastična, u tom slučaju su neplodni dani.

- U ovu vrstu bi se moglo i dojenje svrstati. Žena dojilja zaštićena je nakon poroda par mjeseci od nove trudnoće. Naravno bitno je pomenuti da ponekad organizam reagira suprotno, pa je moguće da dođe do trudnoće.

Spriječavanje kontakta između spermatozoida i ženske jajne ćelije

- Kondomi- prezervativi

Oni djeluju na taj način što će spriječiti izlivanje muške sperme u rodnicu. Zbog mogućnosti pucanja, uz njih se

pretežno koriste razna hemijska sredstva (žele, kreme, pjene i sl.) koja ubijaju spermatozoide. Negativno djelovanje ovih sredstava jeste to da mogu da izazovu alergiju kako kod muškarca, tako i kod žene, a pored toga, kod žene mogu poremetiti floru pozitivnih bakterija u ženskom polnom organu tako da je žena podložna infekcijama

-Minitablete

One uzrokuju promjene u sluzi rodnice i maternice. Ne mogu se prenijeti kroz majčino mlijeko na bebu. Negativno kod ovih tableta jeste to što one previše mijenjaju menstrualni ciklus i sastav sluzi tako da je i nakon prestanka uzimanja tih tableta teško uspostaviti normalan rad spolnih organa i uopšte ostvariti trudnoću.

Spriječavanje menstrualnog ciklusa i ovulacije

- Za ovu metodu se koriste tzv. Antibabypille Njihovo glavno djelovanje je na hormone koji nalažu ovulaciji da se desi. Znači ometaju njihov rad. Žena će dobiti krvarenje koje će smatrati menstruacijom, ali je to krvarenje bez izlučivanja jajne ćelije. Pored toga što je danas ova tableta jako hvaljena, bitno je spomenuti da postoji veliki broj neželjenih efekata koje one mogu da izazovu, a od najpoznatijih su: 1. one mijenjaju preko 50 metaboličkih procesa 2. stalne glavobolje 3. mučnine 4. povraćanje 5. napetost u dojrkama 6. porast tjelesne težine 7. promjena želje za spolnim odnosom 8. krvarenja u toku mjeseca 9. oštećenja jetre 10. oštećenja krvotoka 11. tromboza !!! - može izazvati smrt

Neki od ovih neželjenih efekata nestaju odmah nakon prestanka uzimanja tablete, međutim neke su trajne.

Spriječavanje usađivanja oplodene jajne ćelije u matericu

- Spirala

Ugrađuje se u matericu i ostaje tamo između 2 do 5 godina. Ona remeti sluzokožu materice tako da spriječava usađivanje oplodene jajne ćelije. Bitno je spomenuti to da se ovdje dešava oplodnja i da je ona stara 6 dana, nakon čega je spirala izbacuje. Spirala može kod žena da izazove duge i pojačane menstruacije. S vremenom može doći do kronične upale tube-jajnika i endometrija. Ta upala može kasnije da zaštopa jajovode što kod žena izaziva sterilitet. Zbog toga se ova metoda inače koristi kod žena koje ne žele više da rađaju.

Javno pozivanje Kurejšija u Islam

Safijjurrachman El- Mubarekfuri

Nakon što je Resulullah s.a.v.s. dobio obećanje od Ebi Taliba da će ga štititi i nakon ajeta koje mu Uzvišeni objavi, "I opomonji rodbinu svoju najbližu!" (Eš-Šu'ara' 214), Resulullah s.a.v.s. se pope na Safu i počeo dozivati: "O potomci Fihra! O potomci Adija, o Kurejšije, i tako redom, dok se ne okupiše. Oni koji ne dodoše, posla po njih glasnike da vide koji su to. Dođe Ebu Leheb, a dodoše i Kurejšije. Resulullah, a.s., reče: "Šta mislite, kada bih vas obavijestio da se u dolini nalazi konjica koja će vas napasti, da li biste mi povjerovali?" Odgovoriše: "Da, ti nisi nikada lagao." On reče: "Ja sam poslan vama, da vas upozorim na tešku patnju i kaznu koja vas čeka." Ebu Leheb reče: "Propao ti ostatak dana, zar si nas zbog toga okupio?" Allah, dž.š., tada objavi: "Neka propadne Ebu Leheb, i propao je! Neće mu biti od koristi blago njegovo, a ni ono što je stekao, ući će on sigurno u vatru rasplamsalu" (Al-Lahab 1-3) Žena Ebu Lehebova bi stavljala trnje i bacala na put ispred Poslanika a.s., i pred njegova vrata, noću. Bila je velika jezičarka, zagorčavala mu život sa svake strane, pravila fitneluke i posticala pjesnike da ga kleveću, stoga je Allah o njoj objavio ajet: „i žena njegova koja spletke pravi; o vratu njenu biće

uže od ličine usukane!" (Al-Lahab 4-5) Kada je Lehebova žena čula šta je Kur'an objavio o njoj i njenom mužu, došla je kod Resulullaha, a.s., u mesdžid Kabe, gdje je sjedio Poslanik a.s. a sa njim je bio i Ebu Bekir Es-Siddik. U ruci je nosila kamen koliko šaka, pa kada je stala ispred njih dvojice, Allah, dž.š., joj oduze vid, te je ispred sebe mogla vidjeti samo Ebu Bekra, a ne i Resulullaha a.s. Ona upita: "O Ebu Bekre, gdje je tvoj drug? Saznala sam da me kleveta. Tako mi boga, ako ga vidim usta ću mu razmrskati ovim kamenom. Neka zna da sam i ja pjesnikinja pa citira: "Odbismo pokornost pokuđenom, njegove naredbe odbismo, a vjeru njegovu zanemarismo." Nakon toga ona ode, a Ebu Bekr reče: "O Allahov Poslaniče, vidje li ti šta bi? Ona tebe nije primijetila." On odgovori: "Allah joj oduze vid sa mene."

Planovi kurejšija protiv Poslanika s.a.v.s.

Nakon nekog vremena Kurejšije počeo smišljati plan, šta da rade. Već je proteklo nekoliko mjeseci kako Muhammed, a.s., tumači novu vjeru, a približava se period hodočašća. Mnogi Arapi će doći u Mekku, pa je neophodno objasniti im Muhammedovo, a.s.,


ponašanje, kako ne bi njegovu propagandu shvatili ozbiljno. Oni se sastase na dogovor kod El-Velid ibn Mugire. El-Velid im reče: "Morate biti jedinstveni u mišljenju, i morate zauzeti jedinstven stav, kako ne biste došli u suprotnost jedan s drugim i da ne biste pobijali jedan drugog." Rekoše: "Reci nam ti?" On odgovori: "Ne, recite vi što mislite, a ja ću slušati." Rekoše: "Reći ćemo, on je vrač. On reče: "Ne, tako mi Boga, on nije vrač! Mi znamo vrače, ko su i šta su. On ne mrmolji kao vrač, a niti rimuje govor kao oni." Rekoše: "Pa reći ćemo da je lud." El-Velid odgovori: "On nije lud. Mi smo vidjeli luđake i znamo kakvi su, ko su i šta su. On nije pomračenog uma, nije duševni bolesnik, a ni nervno rastrojen." Rekoše: "Reći ćemo da je pjesnik." Velid odgovori: "Nije on ni pjesnik. Mi znamo sve pjesnike i njihovo pjesništvo. Znamo recitovanje u radžezu, a znamo i u hezedžu (redžez i hezedž su metričke forme u arapskom pjesništvu, o.p.p.). Znamo šta je poezija, melanholična i vesela, pa prema tome, on nije ni pjesnik." Rekoše: "Reći ćemo - čarobnjak je." Velid reče: "Ne, on nije čarobnjak. Mi znamo čarobnjake, vidjeli smo

Nastavak na sljedećoj strani



*Sve ono
sa čime je
zadovoljan
Allah
subhanehu
ve t'ala
je ibadet*

Šejhul Islam ibn
Tejmije
rahmetullahi
alejhi



Ebu Hurejre radijallahu anhu prenosi da je Allahov Poslanik sallallahu alejhi ve sellem rekao: „Čovjek neće sakriti mane čovjeka na dunjaluku, a da neće njegove Allah sakriti na Kijametskom danu!“

(Muslim)

i njih i njihove sihre - čarolije. On ne opčinjuje, a niti veže vradžbine." Rekoše: "Pa šta da kažemo?" Velid odgovori: „Pustite me malo da razmislim.“ Stajao je dugo razmišljajući, a onda im ipak na kraju reče: "Tako mi Boga, njegove, a.s, riječi imaju ljepotu, osnova im je kitnjasta i plodonosna, a sadržaj mudar, uman i prodoran. Vi ne možete ništa tako reći, a da bude valjano. Najbolje će biti od svega što ste spomenuli da kažete, da je čarobnjak - sahir. Riječi koje govori su čarolija - sihr, on rastavlja oca od sina, brata od brata, muža od žene, čovjeka od porodice i rodbine, pa se i vi njega čuvajte i klonite." Zatim, nakon toga u vezi sa El-Velidom, Allah, dž.š, objavi šesnaest ajeta: "Meni ostavi onoga, koga sam ja izuzetkom učinio. I bogatstvo mu ogromno dao. I sinove koji su s njim. I čast i ugled mu pružio. I još žudi da uvećam! Nikako! On, doista, prkosi ajetima Našim. A naprtiću Ja njemu teškoće. Jer je smišljao i računao. I proklet bio, kako je proračunao i još jednom proklet bio kako je proračunao! Zatim je pogledao. Pa se onda smrknuo i namrštio. I potom se okrenuo i uzoholio. I rekao: "Ovo nije ništa drugo do vradžbina koja se nasljeđuje. Ovo su samo čovjekove riječi! U sekarcu ja njega baciti." (El-Muddeessir 11-26)

Mušrici prelaze svaku mjeru

Kurejšije su prelazile svaku mjeru u svom uznemiravanju Resulullaha s.a.v.s. Buharija prenosi od Abdullaha ibn Mes'uda, r.a, da je Resulullah, a.s,



klanjao jedne prilike kod Kabe, a Ebu Leheb i njegovi prijatelji su sjedili, pa jedan od njih upita: "Koji će od nas otići i donijeti od mesara crijeva pa da ih bacimo Muhammedu na leđa, kad padne na sedždu?" Javi se najhrabriji od njih Ukbe ibn Ebi Muit. Donese to, sačeka da Resulullah, a.s, padne na sedždu, a zatim mu to stavi na leđa, među plećke a ja to gledah, kaže Abdullah ibn Mes'ud, i ništa ne mogoh učiniti. Sve i da sam pokušao ne bih uspio. Zatim reče: "Oni su se počeli smijati toliko glasno, da su se tresli od smijeha. Resulullah, a.s, je ostao na sedždi. Glavu nije podigao dok ne dođe kćerka mu Fatima. Ona skide teret s njegovih leđa i on podiže glavu, pa reče: "Moj Allahu, Tebi prepuštam

Kurejšije. To ponovi tri puta. To im teško pade na srce", pa Abdullah nastavlja: "Oni su smatrali da molbe u tom gradu bivaju uslišene, zatim se javi isti glas: Moj Gospodaru, prepuštam Ti Ebu Džehla, Utbeta ibn Rebiu, Šejbeta ibn Rebiu, El-Velida ibn Utbeta, Umejjeta ibn Halefa, Ukbeta ibn Ebi Muita i sedmog spomenu, ja mu ime ne zapamtih. Tako mi Stvoritelja, sve nabrojane sam vidio mrtve u zajedničkoj grobnici mušrika, poslije bitke na Bedru. Ebu Džehl je bio jedan od najbrutalniji mušrika. Muslim prenosi od Ebu Hurejre r.a, da je rekao: "Ebu Džehl je upitao, da li će Muhammed ničice pasti u vašem prisustvu? " Da", odgovoriše mu, Ebu Džehl reče: "Tako mi Lata i Uzata (kipovi) ako to učini, zgaziću mu vrat, a nos u prašinu gurnuti." On dođe kod Resulullaha, a.s., zateče ga da klanja i htjede da ga baci pod noge, ali se svi iznenadiše kada ustuknu od njega braneći se rukama od nečega, pa ga upitaše: "Šta ti bi?" On odgovori: "Ugledah između mene i njega jarak u kome bukti vatra, a moje ruke kao da su krila, koja će se spržiti u njoj." Resulullah, a.s, reče: "Da me je samo dotakao, meleki bi ga zgrabili i od njega trgali komad po komad."

U idućem broju inšaAllah: "**Hidžra za Abesiniju**" Preuzeto iz knjige: „**ZAPEČEĆENI DŽENNETSKI NAPITAK**“

El-Asr



posjetite
www.jasnauputa.com


"Kad sunce sjaj izgubi"

Piše Refiz Duro, student Astronomije, Norveška

U Kur'anu se spominje Sunce. Navodi se u kontekstu velikog događaja, Smaka Svijeta, kada se okolina u kojoj smo navikli da živimo, drastično mijenja, uništava i razara, i ono što nam je koristilo nestaje. Planine se u prašinu pretvaraju, ostavljajući iza sebe zemlju ravnom leđinom, nebo se rascjepljuje, zvijezde padaju, Sunce se mijenja. Mi i danas vidimo neke događaje koji su veliki i koji mogu prouzrokovati mnoge nedaće narodima. Nedavni cunami je rezultat zemljotresa pod vodom, dok se na drugoj strani velikim kišama i sušama prouzrokuju poplave i požari.

Sunce kao zvijezda

Početkom devetnaestog stoljeća astronomi su pokušali mjeriti rastojanje do zvijezda. Metoda koju su koristili je metoda paralakse. Tako su 1838-e godine uspjeli izmjeriti rastojanja do relativno bliskih zvijezda, Alpha Centauri-ja, 61 Cygni-ja i Vega-e. Ona su se pokazala kao ekstremno velika (preko 250 000 AU), tako da je i jačina njihove svjetlosti morala biti kao i jačina svjetlosti Sunca, da bi se mogli vidjeti na takvoj udaljenosti. Astronomi tog vijeka su također uspjeli izmjeriti masu nekih zvijezda pomoću Njutnovih zakona. U traganju za masama, koristili su zvjezdane parove, odnosno zvijezde koje su bile u orbitama jedne oko drugih. Mjerene mase su također pokazivale veliku sličnost Suncu. Ovo je neminovno rezultiralo, da su zvijezde identifikovane sa Suncem i obratno, Sunce sa zvijezdama. Kratko rečeno, Sunce je zvijezda, a zvijezde su sunca (Figura 1).




Sunčeve osnovne osobine

"Tako mi Sunca i svjetla njegova..." (Kur'an, Sura Aš-Šams,1) Masa Sunca je veća od mase svih ostalih sastojaka

sunčevog sistema zajedno, za oko stotinu puta. Ovo također možemo izjasniti kao težinu od 333,000 zemljinih težina. Veličina Sunca, predstavljena u njegovom dijametru je 1,2 miliona km, odnosno 109 puta zemljinih dijametara. Udaljenost između nas i Sunca je 150 miliona km. Možda najvažnija osobina Sunca je njegov luminocitet (sjajnost ili svjetlost), odnosno količina energije koja se konstantno zrači sa njegove površine u vidu sunčeve svjetlosti. Ova energija ispunjava planetarni prostor i zagrijava i održava temperature planeta. Sunce zrači svoju energiju u vidu fotona sa fotosfere (površinski dio Sunca, gdje je temperatura do 5800 stepeni K), energiju koja mora da se stvara duboko u unutrašnjosti. Da bi se ova energija zračila prema vani, unutrašnjost Sunca mora da bude više vruća nego površina. U suprotnom, energija bi promijenila pravac, odnosno zračila bi se sa površine prema unutrašnjosti Sunca. Uz ovo, gornji slojevi Sunca moraju da budu poduprti pritiskom gasova ispod slojeva. U suprotnom, Sunce bi kolapsiralo zbog gravitacije i mase. Postoje dokazi da je Sunce sijalo već nekoliko milijardi godina i da nije bilo većih promjena u svjetlosti i veličini istog. Sadašnje stanje bi, znači, trebalo biti u stanju ravnoteže, sa stabilnim izvorom energije u centru Sunca, i sa težinom svakog Sunčevog sloja poduprtim pritiskom gasa ispod datog sloja. Ovakva teorija nam daje temperaturu centra Sunca od 15 miliona Kelvina, i pritisak koji je 300 milijardi puta veći nego pritisak na Zemljinoj površini. Izvor solarne energije je u centru, u zapremini od oko 10% zapremine Sunca. Ekvivalencija mase i energije u formuli $E=mc^2$ nam daje odgovor na pitanje o nastanku ogromne energije Sunca. Jednačina nam govori da se energija može transformirati u masu i masa u energiju. c je brzina svjetlosti (300 000 km/s) i kvadrirana nam daje veoma veliki broj, što znači da je malo mase potrebno za stvaranje velike količine energije. U preciznim eksperimentima, u laboratorijama je pronađeno da helijum, koji se može predstaviti kao četiri kombinirana jezgra hidrogen atoma, posjeduje samo 99.28% od zajedničke mase četiri jezgra hidrogena. Ostatak mase je putem fuzije pretvoren u energiju. Upravo ovakav efekat i ovakav ostatak energije je odgovoran za sunčevu svjetlost. Zvijezde zajedno sa Suncem, u sebi sadrže najviše hidrogena. Navedena visoka temperatura i pritisak u jezgru Sunca dovode do spajanja atoma hidrogena, odnosno fuzije hidrogena u helijum. Masa pretvorena u energiju se dalje transportuje radijacijom i konvekcijom prema površini Sunca, odakle nastavlja i prema nama u vidu radijacije (fotona) (Figura 2).

Nastavak na sljedećoj strani



Kalkulacije ukazuju da je Sunce počelo sa pretvaranjem hidrogena u helijum prije 4 do 5 milijardi godina, i da bi ovaj proces mogao trajati još toliko. *Evolucija Sunca je pretpostavljena ovako:* Postepeno sagorijevanje hidrogena u jezgri je uzrok mijenjanja Sunca kroz vrijeme. Proces fuzije je vrlo osjetljiv na temperaturu, tako da bi same manje promjene temperature uzrokovale velike nepoželjne strukturalne promjene. Ovo se balansira igrom temperature i pritiska, tako da povećanje temperature u jezgri povlači za sobom veći pritisak koji širi jezgro (i samo Sunce) i na taj način spušta temperaturu. Sagorijevanje hidrogena stvara sve više helijuma, tako da poslije nekoliko milijardi godina postoji jezgro sastavljeno samo od helijuma. Ovo prouzrokuje povećanje temperature u jezgri, te njegovo proširenje i povećanje, pa i do Zemljine orbite. U ovom periodu Sunce je takozvani *Crveni Gigant*, jedna od mnogih

zvijezda koje su blizu svoje smrti. Dok se vanjski slojevi Sunca šire, jezgro Sunca se smanjuje, a temperatura i pritisak u jezgri se povećavaju. Helijum atomi fuziraju u atome berilija, te ugljenika. Ovo je period nestabilnosti, kontrakcija i ekspanzija, prouzrokovana čestih pulsiranja i jakog solarnog vjetra koji postepeno odgona vanjske slojeve Sunca u interstelarni prostor. Na kraju je Sunce samo jezgro sastavljenog od ugljenika, veličine Zemlje, niske temperature i svjetlosti, pa se tim ubraja u grupu zvijezda zvanih *Bijeli Patuljak*.

Sunce sjaj gubi

"Kada Sunce izgubi sjaj." (Sura At-Takwir, 1) Navedeno nam jasno pokazuje da je događaj gašenja Sunca jedan od onih kolosalne veličine. Događaj koji uzdrma čitave svjetove oko sebe, među kojima je i Zemlja, neminovno dolazi. U Ibn Kesirovom tefsiru nalazimo sljedeće objašnjenje: *Ovdje riječ "Kuv-virat" znači: sastaviti, smotati i baciti, a kad se ovako uradi sa Suncem, ono će izgubiti sjaj.* Navedeni opis gore se ukratko može sklopiti u ovoj jednoj riječi, odnosno tri njena značenja. Ovdje ne kažemo da se Smak Svijeta dešava u nama znano vrijeme, i ne kažemo da je ovo neminovni sljed događaja. Jer Allah dželle šanuhu nam u Kur'anu kaže: **"Ljudi te pitaju o Smaku svijeta, reci: 'To jedino Allah zna!' A ti ne znaš, možda je Smak svijeta blizu!"** (Sura Al-Ahzab, 63) Stoga zaključujemo da Allah dželle šanuhu jedino zna kada i tačno na koji će način nastupiti Smak svijeta i da će nastupiti iznenadno: **"A Smak svijeta će u tren oka doći, ili još brže..."** (An-Nahl, 77), a na nama je da i pored ostalog razmišljamo o Allahovim stvorenjima. A Allah dželle šanuhu najbolje zna.



***Mi čovjeka od biti zemlje stvaramo,
zatim ga kao kap sjemena na sigurno
mjesto stavljamo,***

***pa onda kap sjemena ugruškom
učinimo, zatim od ugruška grudu
mesa stvorimo, pa od grude mesa
kosti napravimo, a onda kosti mesom
zaodjenemo, i poslije ga, kao drugo
stvorenje, oživimo - pa neka je
uzvišen Allah, najljepši Stvoritelj!***

Suretul Al-Mu'minun: 12-13-14

Algemeen Dagblad

28-10-2003

“Sve više Holandana prelaze na islam”

Algemeen Dagblad (Dnevne novine), 28 oktobar 2003

Piše: A. Dijkstra

Rotterdam • Sve više Holandana prelazi na islam. Muslimanske organizacije u zemlji procijenjuju da godišnje nekoliko stotina Holandana izgovori šehadet.

“Kako muškarci tako i žene Holandanke bivaju sve više zadržani ljepotom vjere” kaže A. Qujum, član Islamskog Centra za Informacije Holandije. A Qujum nastavlja: *“Samo u našem centru je prošle godine 150 Holandana prešlo na islam, što je za naš centar rekordan broj. Lično mislim da uz ovaj broj najmanje još 100 Holandana pređe na islam u džamijama ili po kućama.”*

Da bi postali musliman morate izgovoriti na Arapskoj jeziku šehadet tj. da nema drugog Boga osim Allaha i da je Muhamed Njegov Poslanik. Šehadet se najčešće izgovara pred imamom ili nekim drugim učenim čovjekom u prisustvu dvojice muškaraca muslimana. S obzirom da se broj prelaza ne registruje nemože se utvrditi tačan broj Holandana koji pređu na islam.

Derviš Madu, predstavnik Muslimanskog Vijeća Holandije kaže: *“Mislim da u Holandiji u ovom momentu ima oko 20.000 do 30.000 Holandana muslimana.”*

Gospođa Ceylan Weber, predstavnica udruženja Holandskih muslimanki Al-Nisa tvrdi: *“Naše udruženje je puno Holandanki koje je sasvim svjesno opredijeljuju za islam. Znači ne radi se o ženama koje zbog muževa prelaze na islam. Ove godine je oko 40 Holandanki prešlo na islam i uključilo se u naše udruženje.”*

Trend prelaska na islam je usko povezan i sa sve većim brojem miješanih brakova. Holandani koji stupe u brak sa muslimanom vrlo brzo pokazuju interesovanje za islam. Weber dalje kaže: *“Islam plijeni ljudska srca, to je vjera koja štiti ljudska prava i gdje se ljudi – bez obzira na rasu – saosjećaju jedni s drugima.”*

Qujum je mišljenja da su dešavanja na Svjetskog političkoj sceni u zadnjih nekoliko godina jedan od razloga sve većeg interesovanja ljudi na Zapadu za islam. On kaže: *“Holandani su vrlo znatiželjni. Dolaze kod nas u centar i raspitivaju se o islamu jer često čuju preko medija negativne stvari o islamu. Ti ljudi dolaze kod nas sa određenim predrasudama o islamu, ali kad se zadube u islam ne mogu ga ostaviti, jednostavno se srode s islamom.”*

Holandani koji pređu na islam su često fanatičniji i brže uče Kur'an od muslimana koji su to od rođenja.


Pitanje:

Esselamu alejkum.
Zbog čega je bitno da se traži od nekog halala?

Odgovor:

Es-Selamu alejkum!
Onaj ko halali svome bratu na ovome svijetu ima za to nagradu od Uzvišenog Allaha i to je bolje i vrijednije, u protivnom može svoje pravo uzeti na Sudnjem danu, tj., od njegovih dobrih dijela ili da ovaj preuzme neka loša djela onoga koga je zakinuo. Dakle, važnost halala se ogleda u tome da se računi svedu ovdje na dunjaluku prije Ahireta, kada neće biti zlatnika i srebrenjaka već dobra i loša djela, pa je lakše tražiti halala i sanirati štetu bilo kog oblika, nego skupo platiti tu cijenu na onome svijetu, a Allah najbolje zna.

Es-Selamu alejkum!
Mr. Safet Kuduzović



Svojstva i karakteristike meleka

Emir Ganić, Islamski Univerzitet Medina

BROJ MELEKA

Postoji veliki broj meleka i njihov tačan broj ne zna niko osim Allaha, dželle ša'nuhu. Kaže Allah, dželle šanuhu: «**A vojske Gospodara tvoga samo On zna.**» (El-Muddessir, 31.). Navešćemo nekoliko dokaza koji ukazuju na brojnost meleka. Kada je, u vrijeme Isra'a i Mi'radža, Poslanik, sallallahu alejhi ve sellem, stigao do Bejtu-l-ma'mura, upitao je meleka Džibrila o čemu se radi, na što mu je Džibril odgovorio: «Ovo je Bejtu-l-ma'mur, u kojem svakog dana klanja 70 000 meleka, ulaze u bejtul-ma'mur i više se nikada ne vraćaju.» (Buhari i Muslim). U hadisu kojeg je zabilježio Muslim kaže se da džehennem ima 70 000 povodača a svako povodač drži 70 000 meleka. Uz svakog čovjeka bdiju dva meleka koja su zadužena pisanjem njegovih dobrih i loših dijela, melek koji ga čuva i dva meleka koji ga upućuju i usmjeravaju ka dobru. Tako postoje i druge vrste meleka sa raznovrsnim funkcijama i sve to upućuje na njihovu brojnost.

ČAST I ČESTITOST

Allah dželle ša'nuhu je opisao meleke da su časni i čestiti, pa kaže: "**U rukama pisara časnih, čestitih.**" (Abasa, 15-16) Buharija prenosi hadis od Aiše, r.a., da je Poslanik, sallallahu alejhi ve sellem, rekao: "Onaj ko bude učio Kur'an i znao ga napamet, biće u društvu časnih, čestitih (meleka), a onaj ko ga bude učio i obnavljao ali s poteškoćom imaće dvije nagrade."


STID

Od lijepih osobina koje krase meleke a o kojoj nas je obavijestio Poslanik, sallallahu alejhi ve sellem, jeste i stid. U hadisu kojeg bilježi Muslim od Aiše, r. a., da je Poslanik, sallallahu alejhi ve sellem, jedne prilike sjedio naslonjen u njezinoj kući, te mu je bio otkriven dio tijela u predjelu koljena. Zatim je Ebu-Bekr pokucao na vrata i tražio dozvolu da uđe pa mu je Poslanik, sallallahu alejhi ve sellem, dozvolio a ostao je da sjedi onako kako je bio. Zatim je došao Omer, r.a., te je Poslanik, sallallahu alejhi ve sellem, isto uradio. Nakon toga je došao Osman, r.a., pa je Poslanik, sallallahu alejhi ve sellem, sjeo i spustio odjeću. Kada je Osman otišao, Aiša r.a., je upitala Poslanika, sallallahu alejhi ve sellem, zašto je dočekao Osmana na

način koji nije bio isti kao kada su došli Ebu-Bekr i Omer. Poslanik, sallallahu alejhi ve sellem, joj je odgovorio: «A zar da se ne stidim čovjeka od kojeg se stide i meleki.»

NJIHOVE SPOSOBNOSTI DA SE PRETVORE U DRUGE LIKOVE

Allah, dželle ša'nuhu, je omogućio melecima da se pretvore u druge likove. Poslao je meleka Džibrila Merjemi u obliku čovjeka. Rekao je Allah, dželle še'nuhu: "**I spomeni u Knjizi Merjemu: kad se od ukućana svojih na istočnu stranu povukla. I jedan zastor da se od njih zakloni uzela, Mi smo njoj meleka Džibrila poslali i on joj se prikazao u liku savršeno stvorena muškarca.**» Utječem se Milostivom od tebe, ako se Njega bojiš! »- uzviknu ona. »A ja sam upravo izaslanik Gospodara tvoga «- reče on - » da ti poklonim dječaka čista !« (Merjema, 16-19)



Također poznat nam je primjer Ibrahima, alejhisselama, kada su mu došli meleki u ljudskom obliku. Džibril, alejhi selam, je dolazio Poslaniku, sallallahu 'alejhi ve sellem, u više ljudskih likova. Nekada je znao doći u liku Dehje bin-Halife el-Kelbija (koji je bio jako lijep) a nekada bi došao i u liku drugih arapa. Mnogi ashabi su bili svjedoci tih događaja. Jedan od takvih primjera je i poznati hadis kojeg bilježi Buharija i Muslim od Omera, r.a., kada je došao melek Džibril u ljudskom obliku i pitao Poslanika, sallallahu alejhi ve sellem,

koji je sjedio sa ashabima o islamu, imanu, ihsanu, Sudnjem danu i njegovim predznacima. Poslije je Poslanik, sallallahu 'alejhi ve sellem, obavijestio ashabe da je to bio Džibril koji je došao da ih poduči vjeri.

Zatim, sjetimo se hadisa koji govori o čovjeku koji je ubio stotinu ljudi, te kada je učinio tevbu (pokajanje) i krenuo da učini hidžru. Oko pola puta zadesi ga smrt. Zatim su došli do njega meleki koji vode u Džennet i meleki koji vode u Džehennem i prepirali se gdje da ga odvedu, pa im je presudio melek koji je došao u ljudskom obliku i poznato nam je da su mu presudili da ide u Džennet jer kada je umro bio je bliže mjestu kojem je krenuo da učini hidžru nego mjestu odakle je krenuo. Naravno, sve je to bilo Allahovim naređenjem jer je On poslao meleka u obliku čovjeka kako bi presudio.

NJIHOVA BRZINA

Poznato nam je da najveća brzina koju čovjek poznaje jeste brzina svjetlosti koja iznosi tri stotine hiljada (300 000) km. u sekundi. A što se tiče brzine kod meleka ona je još veća i ona se nemože porediti sa ljudskim mjerilima. Uzmimo samo za primjer da su arapi znali pitati Poslanika, sallallahu alejhi ve sellem, pitanje poslije kojeg bi u roku vrlo kratkog vremena dolazio melek Džibril, alejhisselam, sa odgovorom od Allaha, dželle še'nuhu. Danas kada bilo neko prevozno sredstvo koje bi se kretalo brzinom svjetlosti, trebalo bi mu nekoliko miliona svjetlosnih godina da stigne do nekih zvijezda koje se nalaze u ovome Svemiru.

ZNANJE

Meleki posjeduju veliko znanje ali nemaju sposobnost koje je dato ljudima a to je upoznavanje nečega novog. Kaže Allah, dželle še'nuhu: »I pouči On Adema nazivima svih stvari, a onda ih predoči melekima i reče: »Kažite mi nazive njihove, ako istinu govorite! « » Hvaljen neka si!«- rekoše oni - »mi znamo samo ono čemu si nas Ti poučio; Ti si Sveznajući i Mudri«. (Al-Baqara, 31 - 32) Čovjek se odlikuje po tome što ima sposobnost upoznavanja, otkrivanje svemira i sl, dok je o tome meleke upoznao Allah, dželle še'nuhu. Ali ono o čemu ih je Allah, dželle še'nuhu, upoznao je puno više nego što zna čovjek. Od znanja koje im je dato jeste i to da oni zapisuju djela kod ljudi. Kaže Allah, dželle še'nuhu: »A nad vama bdiju čuvari, kod Nas cijenjeni pisari, koji znaju ono što radite « (Al-Infitar, 10-12)

MELEKI SU BEZGRIJEŠNI

Učenjaci su se složili da su izaslanici meleka bezgriješni a razišli su se po pitanju ostalih meleka. Jedan dio učenjaka smatra da su i ostali meleki bezgriješni a kao dokaz za to navode slijedeće ajete: »O vi koji vjerujete, sebe i porodice svoje čuvajte od vatre čije će gorivo ljudi i kamenje biti, i o kojoj će se meleki strogi i snažni brinuti, koji se o onome što im Allah zapovjedi neće opirati, i koji će ono što im se naredi izvršiti.« (At- Tahrir, 6.)

»Svakome od nas mjesto je određeno, mi smo u redove poredani, i samo Njega hvalimo!« (As- Saffat, 164-166) »Njegovo je ono što je na nebesima i na Zemlji! A oni koji su kod njega ne zaziru da mu se klanjaju, i ne zamaraju se« (Al-Anbiya,19), zatim ajet: »Časnih, čestiti« (Abasa,16.) Drugi dio uleme smatra da drugi meleki nisu bezgriješni. Kao dokaz navode priču o Harutu i Marutu i priču o Iblisu. Ono što je ispravnije jeste da su svi meleki bezgriješni. Jer ovo drugo mišljenje nema dovoljno jasne i ispravne dokaze koje bi poduprlo njihovo mišljenje.

DA LI UMIRU?

Mi smo čuvarima vatre meleke postavili i odredili broj njihov kao iskušenje onima koji ne vjeruju, da se oni kojima je Knjiga data uvjere, i da se onima koji vjeruju vjerovanje učvrsti, i da onima kojima je Knjiga data i oni koji su vjernici ne sumnjaju, i da oni čija su srca bolesna i oni koji su nevjernici - kažu:"Šta je Allah htio ovim primjerom?" Tako Allah ostavlja u zabludi onoga koga hoće, i na Pravi put ukazuje onome kome hoće. A vojske Gospodara tvoga samo On zna. I Sekar je ljudima samo opomena.

Sura El-Muddessir: 31

Meleci umiru kao što umiru ljudi i džinni. Kaže Allah, dželle še'nuhu,: »I u rog će se puhnuti, i umrijeće oni na nebesima i oni na Zemlji, ostaće samo oni koje Allah bude odabrao; poslije će se u rog po drugi put puhnuti i oni će, odjednom, ustati i čekati.« (Ez-Zumer, 68.). Meleci su obuhvaćeni značenjem ovoga ajeta. Kaže Ibn-Kesir, tumačeći ovaj ajet: »Ovo je drugo puhanje, puhanje smrti, i tom prilikom će umrijeti sve živo na Nebesima i na Zemlji, osim oni koje Allah bude odabrao, kao što stoji u poznatom hadisu koji govori o puhanju u rog, zatim će Allah uzeti ostale duše i zadnji koji će umrijeti biće melek smrti, a ostaće Živi, Vječni koji je Prvi i Zauvijek i

reći će: »Kome danas pripada vlast?« Reći će to tri puta, zatim odgovoriti: »Allahu, Jedinom i Svemoćnom« (El-Mu'min, 16.). Da li će neko od njih umrijeti prije puhanja u rog, o tome ne možemo ništa sa sigurnošću reći, jer nemamo dokaza koji to potvrđuju ili negiraju.



El-Asr

Ebu Hurejre
radijallahu
anhu prenosi
da je Allahov
Poslanik
sallallahu alejhi
ve sellem
rekao: „Kada se
ljudi okupe u
jednoj od
Allahovih kuća
(džamija) da
uče Allahovu
Knjigu (Kur'an)
i da je
međusobno
proučavaju, na
njih se spusti
mir, prekrije ih
Allahova
milost, okruže
ih meleki i
Allah ih
spomene među
onima koji su
kod Njega.“

(Muslim)




Dedždžal IV dio

Ovdje ćemo upozoriti na jednu važnu stvar. Imam Ahmed i Ebu Davud, r.a., bilježe u sahih senedu od Imrana ibni Husejn, r.a., da je Poslanik, sallallahu alejhi ve sellem, rekao: "Ko čuje o Dedždžalu, neka se udalji od njega, jer čovjek će mu ići misleći o sebi da je vjernik, a slijedit će ga zbog sumnji (šubhata) koje će se izazvati kod njega." I od ovoga hadisa ulema je uzela poželjnost udaljavanja od pripadnika novotarija i zablude, i da se ne ide ka njima, te da se ne dozvoli našim čulima da uhvate bilo šta od njihovih novotarija da to ne bi utjecalo na nas i uzdrimalo naše vjerovanje. A od toga se izuzimaju alimi koji su čvrsti, da bi uzvratili zagovaračima novotarija i kako bi razotkrili njihovu zabludu. Imam Muslim, r.a., u svome Sahihu bilježi hadis, koji je prenijela Fatima binti Kajs r.a. o Džesasi u prilično dugačkom hadisu: "Čula sam glas Poslanikovog sallallahu alejhi ve sellem, muezina da skupi ashabe u mesdžidu radi dogovaranja, obavlještavanja... Nastavlja dalje Fatima: "Pa sam otišla do mesdžida i klanjala, bila sam u safu žena koji je bio prvi do leđa muškaraca." (Ona je precizno naznačila svoj položaj u namazu, ukazavši da je bila u safu žena koji je bio najbliži Poslaniku sallallahu alejhi ve sellem, ne pogriješivši ni u jednom slovu). Kada je Poslanik, sallallahu alejhi ve sellem, završio svoj namaz, sjeo je na mimber nasmijavši se i kazavši: "Neka se svako

drži svoga mjesta na kojem je klanjao." A potom je rekao: "Da li znate zašto sam vas sakupio?" "Allah i Njegov poslanik najbolje znaju," rekoše ashabi. Poslanik, sallallahu alejhi ve sellem, reče: "Ja nisam, tako mi Allaha, vas skupio da bih vas privukao ili zastrašio. Ali sam vas skupio zato što je Temim Ed Dari bio čovjek kršćanin, te je dao prisegu i prešao na islam. Ispričao mi je priču koja se slaže sa hadisima koje sam ja vama govorio o mesiji, Dedždžalu. Ispričao mi je da se ukrcao na brod sa još trideset ljudi od plemena Lehm i Džuzam. Valovi su se mjesec dana poigrali sa njima po moru, a zatim su se približili jednom otoku, sjeli su u čamce, iskrcavši se na otoku. Susrela ih je jedna životinja, puno dlakava, tako da se nije mogla raspoznati prednja od stražnje strane. Pa su oni rekli: "Teško tebi, šta si ti?" A ona reče: "O narode, pođite ka onom čovjeku koji je u samostanu, on žudi za vašim vijestima." Nastavljajući Temim Ed Dari svoj govor, reče: "Pohrlili smo da uđemo u taj samostan, kad u njemu najveći čovjek kojeg smo ikada vidjeli, najčvršće vezan, njegove ruke su skupljene za vratom, a između njegovih koljena, pa sve do članaka je okovan u željezo." Rekli smo: "Teško tebi, ko si ti?" Odgovorio je: "Doznat ćete vi moje vijesti, recite vi meni ko ste vi?" Rekli smo: "Mi smo ljudi od Arapa, ukrkali smo se na brod i naišli smo na uzburkano more, valovi su

se poigrali sa nama mjesec dana, dok nismo došli na ovaj tvoj otok, pa nas je susrela životinja puno dlakava kojoj se ne zna prednja od stražnje strane, i rekla je: "Ja sam Džessasa i uputite se prema onom čovjeku koji je u samostanu i željan čuti vaše vijesti." Pa smo došli žurno tebi." Rekao je: "Obavijestite me o palmama Bejsana?" Rekli smo: "O kakvom njihovom stanju se raspituješ?" Reče: "Pitam vas o njegovim palmama, da li rađaju?" Odgovorili smo: "Rađaju." Rekao je: "Uskoro više neće rađati." Putopisac Jakut, u svojoj knjizi: Mu'džam El buldan iz osmog stoljeća, spominje sve nazive mjesta, i položaj svakog od njih. A o mjestu Bejsan kaže: "To je grad u dolini Šama između Hurana i Palestine, (sada taj grad pripada Palestini) u njemu se nalazi jedan izvor, sa malo slatkaste vode, zove se: Ajnu-l-fulus, i to mjesto se opisuje po mnoštvu palmi." Nastavlja dalje Jakut: "Više sam puta vidio to mjesto i nisam u njemu vidio osim dvije blijede palme, koje ne rađaju, a to je jedan od predznaka pojavljivanja Dedždžala." Temmim ed Dari nastavi priču, rekavši: "Pitao nas je: - Obavijestite me o jezeru Taberija" Upitamo: "O kakvom njegovom stanju se raspituješ?" Rekao je: "Da li u njemu ima vode?" Rekli smo: "Ono je bogato vodom." Reče on: "Uskoro više u njemu neće biti vode."

Nastavi sa pitanjima i reče: - Obavijestite me o izvoru Zugar." Upitismo: - O kakvom njegovom stanju se raspituješ?" Rekao je: "Ima li u izvoru vode i da li mještani poljoprivreduju koristeći vodu sa toga izvora?" Rekli smo mu: "Jeste, on je bogat vodom, a mještani poljoprivreduju vodom sa tog izvora." Rekao je: "Obavijestite me o vjerovjesniku nepismenih, šta je uradio?" Mi mu odgovorismo: "Izašao je iz Mekke i nastanio se u Medini." A on upita: - Da li su se Arapi borili protiv njega?" Odgovorili smo: "Jesu." Upita: - Šta je učinio sa njima?" Pa smo ga obavijestili da ih je pobijedio i da su se pokorili njemu." A on



reče: "Zar se to desilo?" Rekli smo: "Jeste." Reče: "To je bolje za njih da mu se pokore. Obavijestiću vas o sebi. Ja sam mesija i uskoro će mi biti dozvoljeno da izađem. Izaći ću hodajući po zemlji, neću propustiti ni jedno mjesto, a da ga ne obiđem u četrdeset noći, osim u Mekku i Tajjibu, oba ta mjesta su mi zabranjena. Kad god pokušam ući u jedno od njih, susretne me melek sa isukanom sabljom u ruci, odvraća me od njega i na svakom njegovom putu ima meleka koji ga čuvaju." Poslanik, sallallahu alejhi ve sellem, je rekao, udarajući svojim štapom u mimber: "Ovo je Tajjiba, ovo je Tajjiba, ovo je Tajjiba. Zar vam nisam prije govorio o tome?" A ljudi odgovoriše: "Jesi." Pa je rekao Poslanik, sallallahu

alejhi ve sellem: "Dopao mi se govor Temima Ed Darija. Slaže se sa onim što sam vam govorio o njemu i o Medini i Mekki." To je hadis o Džessasi, a što se tiče hadisa o Ibnu Sajjad, sada ćemo spomenuti nešto što je o njemu navedeno u sunnetu Poslanika, sallallahu alejhi ve sellem. Ibnu Sajjad je dječak židovskih roditelja iz Medine. Poslanik, sallallahu aljhi ve sellem, je objavom

upoznat, da je Dedždžal židov i da će biti dijete židovskih roditelja poslije trideset godina njihovog braka. To se desilo sa slučajem Ibnu Sajjad, koji je bio mali dječak za vrijeme Poslanika, sallallahu alejhi ve sellem, a znao je ponekad obavještavati o stvarima gajba, po metodi židovskih vračara. Zato su ljudi počeli govoriti o njemu da je on Dedždžal. Pa je otišao Poslanik, sallallahu alejhi ve sellem, sa nekim od ashaba da raskrinka slučaj toga dječaka. Bilježi Muslim, od Abdullaha ibni Omera, r.a., da je Omer ibnul Hattab r.a. pošao sa Poslanikom, sallallahu alejhi ve sellem i grupom ljudi ka Ibnu Sajjadu. Našli su ga da se igra sa djecom kod tvrđave Beni Magala.

Tada se Ibnu Sajjad približio spolnoj zrelosti (oko trinaest godina). Nije ih opazio Ibnu Sajjad, dok nije Poslanik, sallallahu alejhi ve sellem, dotaknuo njegova leđa svojom rukom i zatim mu rekao: "Da li svjedočiš da sam ja Allahov poslanik." Ibnu Sajjad ga je pogledao i rekao: "Svjedočim da si ti Poslanik onih koji ne čitaju i ne pišu." Potom, Ibnu Sajjad je rekao Poslaniku, sallallahu

alejhi ve sellem: "Da li ti svjedočiš da sam ja Allahov poslanik?" Pa ga je odbio Poslanik, alejhisselam rekavši: "Vjerujem u Allaha i u Njegovе poslanike." A

ovdje je bitna stvar; - zašto Poslanik, sallallahu alejhi ve sellem, nije naredio da ubiju Ibnu Sajjada, mada je govorio takve riječi. Jer, kad neko sebe proglasi za vjerovjesnika, po zakonu šerijata mora biti ubijen. Prvo. - Zato što je bio dječak. Drugo. - to je bio od židova Medine, kojima je zagaranirana sigurnost, jer su plaćali džizju. Zatim ga je Poslanik, sallallahu alejhi ve sellem, upitao: "Šta vidiš?" Reče: "Vidim prijestolje na vodi." Poslanik, sallallahu alejhi ve sellem, mu odgovori: "Ti vidiš prijestolje Iblisa."

(nastavlja se inšaAllah)

Abdullah ibn Ebu Nuh kaže: "Čovjek mi je u jednom primorskom mjestu rekao: 'Koliko si puta Uzvišenom Gospodaru učinio nešto ružno, pa ti je On dobrim uzvratio?' To se ne može nabrojati', rekoh mu. 'Jesi li Mu ikada uputio poziv u pomoć, a da ti On nije u pomoć pritekao?' 'Ne, Allaha mi', odgovorih. 'On mi je uvijek dobro činio i pomagao me.' A jes li Mu ikada tražio, a da ti nije dao?' 'Sve što sam Mu tražio On mi je uslišao. Kada god sam tražio pomoć, On mi je pomogao.' 'Kada bi ti neki čovjek uradio ono što ti Njemu činiš, kako bi ti uzvratio?' 'Kaznio bih ga na svaki mogući način.' 'Pa je li iko preči da mu budeš zahvalan od Njega, Koji ti je uvijek činio dobro. Njemu je lakše da Mu ljudi budu zahvalni nego da ih kažnjava. Njemu, Uzvišenom, dovoljna je zahvalnost "elhamdulillah."

Nagradna igra

KUPON ZA

NAGRADNU IGRU

Vasi podaci:

IME: _____

PREZIME: _____

ADRESA: _____

BROJ TELEFONA: _____



Odgovori:

1. _____

2. _____

3. _____

Čitaocima nudimo mogućnost da sudjeluju u nagradnoj igri i time dobiju šansu da osvoje jednu od tri skromne nagrade, a to su:

1. nagrada: knjiga «Bolest i lijek»;
2. nagrada: predavanja na dvd-u ;
3. nagradno iznenađenje

1. Pitanje

Koliko ima meleka čuvara Džehennema i koje im je zajedničko ime?

2.Pitanje

Kada je Allah `azze we dželle odredio sudbine svih stvorenja?

3 Pitanje

Kako se zove knjiga u kojoj je Allah `azze we dzelle naredio da se napiše sve ono što će dogoditi do Sudnjeg Dana?

Dobitnici nagrada u prošloj nagradnoj igri:

- 1.Hodžić Nedžad-Zaltbomel
- 2.Hajranović Emir-Schiedam
- 3.Balić Kemal-Zoetermeer

tačni odgovori su:


- 1.Hamza ibn Abdulmutalib
- 2.Safija bint Abdulmutalib
- 3.brat i sestra

SLADOLED Potrebno: 5 jaja, 1 šlag, 1 cijelo pakovanje pavlake, 6 kašika šećera u prahu, 2 vanilina šećera.
Priprema: umutiti bjelanjac, dodati šećer. Zatim umutiti šlag i pavlaku, sve sjediniti i staviti u zamrzivač da se zamrzne.



BUJRUM

BUJRUM



ISLAMSKA ODJEĆA

Nudimo vam kvalitetnu islamsku odjeću
za žene i muškarce po povoljnim cijenama!

Kontakt:




Mob.: 06-4908-6668

E-mail: an-nisa@home.nl

- Ženski mantili
- Haljine
- Kompleti (bluza + suknja)
- Kompleti (bluza + hlače)
- Kompleti (tunika + suknja)
- Hidžabi
- Hidžabi za djecu
- Razna muška islamska odjeća
- Kape, mirisi, misvaci itd.

Hidžra vam nudi

po povoljnim cijenama bogat izbor knjiga kao i audio-video materijala



Narudžbe: biltenElAsr@msn.com

MP3 kompleti



Novotarije i novotari



**Pojaava fitneta i nereda
pred Sudnji dan**



Allahov poslanik

Audio izdanja



**Odlike i vrijednost
šAMA**


KOMENTAR HADISA „Umdetul - ahkama“



16.- 20. čas



**Hutba na Arefatu,
Vrijednost Arefata**



**Blagodati
ISLAMA**

posjetite nas na
www.KEWSER.net

!! USKORO !!



**Budućnost pripada
ISLAMU**

**Drugo dopunjeno i prošireno izdanje knjige: SVOJSTVA POSLANIKOVOG NAMAZA
od Autora mr. Safeta Kuduzovića**